


MAHEBERU,

KAUHANYO YABUSILEZI ³

 Mu zuhile, balikani. Ki lithonolo kuba mo. Ni—ni ku taleleza zibahazo tuna ye kuzwa ku mulisana wa luna ya ngile bupilo sakata, nji cwani? Kacwalo lufa tumbo kaufela ku Mulena ka mata a Hae amatuna a kufolisa ni sishemo sa Hae Sa lu file mwahala lilimo.

Cwale Nina ni lizibiso nyana za ku zibahalisa. Sapili, luna, Muzwale Wood ni Muzwale Roberson, mi lubata ku itumela ku mina kaufela ka ku lu lapelela, ka musipili o munde. Ne lubile ni nako yende; neluile mazazi amane ni licika, Na lumela, ni ku yo kuta hande mwa buiketo. Mulena na lu fuyози.

⁵⁰⁶ Cwale, lu sweli kuzibahalisa kuli Muzwale Graham Snelling, mukopano wa ancafazo wa hae, u sa zwelapili, kwani kwa—kwa mafelelezo a mukwakwa wa Brigham Avenue, ili kwa . . . mwa muleneñi mo. Mi busihu bobutaha la Bulalu bo . . . Ni bata kuya kwahule kamuso, kasamulaho wa sebelezo ya maswabi o Ni ka zibahalisa mwa mizuzu yelikani. Lu ka mi zibisa la Bulalu busihu. Lu bata kuya mwa musipili, kaufela, ku yo fita ku Muzwale Graham a si ka kwala kale sebelezo kwani. Mi lu ka lika kunga keleke kaufela hamoho, haiba lu kona, ni kuya ka sikwata se si lumilwe ku yo kopana, ni kuba ni Muzwale Graham ku ilimuñwi wa lisebelezo za hae.

⁵⁰⁷ Mi, cwale, musihali wo kwa—kwa ndu ya malukula mwa Charlestown, kuna ni—ni Musala bo Colvin, yana kenanga mwa keleke mo lilimo zeñata ñata kwa mulaho, wa myaha ye mashumi asupa ni zene za kupepwa, u zwile mwa bupilo boo maabani ku yo ba ni Mulena Jesu. Mi maswabi a hae aka kutazwa la Mubulo, ki Reverend Bo McKinney, yana banga, sapili, mulisana wa keleke ya Methodist kwa—kwa Port Fulton ka lilimo zeñata, yana li mulikana bona luli. Mi Ni lukela ku mutusa, la Mubulo, kwa, Ni lumela ki wani seti, kwani kwa—kwa muyaho wa kwa Charlestown, Indiana. Mi kaufela mina balikani ba lubasi lwa baha Colvin mu kaba teni, Na ziba, luka itumela cwale kwa susuezo nyana feela kamba kwa . . . kuswalana mwa mazoho. Kakuli kaufela lwa ziba sani mo si inezi, luna babase ba bile mwa lika zani, mwa mabala, luna kasibili, mi luziba seo sili sona ha lu latehelwa ki mulikani. Mi kacwalo luna . . . U lobezi mwa—mwa muyaho cwale, kwa Charlestown, Indiana. Haiba mukaya teñi musihali woo, kiñi, ba ka itumela ba lubasi lwa ba Colvin, Na ziba cwalo. Buñata bwa sicaba sa bona ba tahanga kwa tabernakele kwanu. Ni nyalisize, kupumbeka, kukolobeza,

buñata luli, bwa lubasi lwa bona, kaufela. Mi kacwalo Bo Grayson, bene ba banga bo muyaha tuko ba luna bateni kwani, kona bo malukula kwani.

⁵⁰⁸ Mi cwale haili, busihu bo, haiba Mulena alata, fo lu siyela kakusasana cwana, lu ka lika kukalela ona foo busihu bwa kacenu, mwahala palo tuna yelusweli kubala cwale. Mi cwale Na sepa kuli zeo kona lizibiso, kuya ka mo Ni—mi Ni—Ni zibela. Mi la Bulalu busihu bobutatama boo, cwale, lu ka zibahalisa busihu bo lu ka yo ba ku Muzwale Graham.

⁵⁰⁹ Mi lu amuhela baeñi kaufela babali mwa minyako yaluna. Mi lu tabile hahulu kuba ni mina mwahali mo kakusasana cwana, mi lu lapela kuli Mulimu uka mi fuyola ka butuna, ni ka buñata, kacenu kwa kukopana kwaa.

⁵¹⁰ Muzwale Cox u ni bulelezi kuli libelekiso za kwa sicaba ne li sa beleki hande ka nako yani. Mwendi ki, hakulata ki kuya ka buino bwa mo li pazulezi lizazi, nekuna ni mukamo omuñata hahulu mwa masipika mwani. Mi ha ki amande, ka kukala, kacwalo mwendi leo likona kuba libaka.

⁵¹¹ Sina ha Ni bona kezeli yainezi kwanu ye Ni ziba, Kezeli Arganbright, Ni. . . Se ha ki se sinde mi—mi ni ka swanelo, kwa kubuza nto ye, kono kana mu utwile ku Muzwale Arganbright kukala ka nako yabile kwanu? Ni tabela hahulu kuutwa ku yena kapili fela mo lu konela. U mwa Switzerland ni Germany, mwa mukopano kwani ni Muzwale Tommy Hicks ni Paul Cain. Haiba mukile mu utwa, ku Kezeli Ruth, mu ni zibise kapili, kapili fela mo mukonela.

⁵¹² Cwale, tabernakele nyana ye haina mamembla, kono luna ni kopano. Haluna tuto ni yekana kwanda Krete, haluna mulao kwanda lilato, haluna buka kwanda Bibe. Yeo kona fela Buka inosi ye lu ziba, mi nto fela inosi ye lu ziba, sina yeluna ni yona. Sina Mali a Jesu Krete hanza lu kenisa kwa libi luna kaufela, luna ni kutwano ku yomuñwi ni yomuñwi, mutu ni mutu.

⁵¹³ Ne ni sweli kulemuha, kakusasana cwana, ku babañwi ba mina sicaba hakulata mu utwile muzwale ha lapela. Yani neli wa Katolika, kacwalo, kamba sapili neli wa Katolika. Mi kaufela luna ni mifuta yeshutana ya batu baba tahanga kwanu. Lubile fela ni lithonolo, ka linako nyana ze fitile, za kuswalana mwa mazoho ni muzwale wa ba Mennonite yainezi fa mwahali mo. Mi kuzwa ku ba Mennonite, kuzwa ku ba Methodist, kuzwa ku ba Baptist, ni ba Katolika, kamba ya lata kaufela, ha ba tahe. Mi lukopana hamoho mwa limbuyoti za Linzwi la Mulimu. Ni Lipaki za Jehova bateni ni batu ba mifuta yeshutana, kacwalo, ba likopano ze shutana.

⁵¹⁴ Ne ni latanga (kihande, Ni sa lata ni ka nako ye) za kwa Wiko. Ni lata lipesea ni likomu. Ne ni hulezi fela kwa hae, mi Na—Na li lata. Mi ne lubanga ni puteho, mi Ne ni yanga ni bona. Mi ne lubanga ni lukwakwa lo lu tibela. Ha ni zibi haiba mina sicaba

sa kwa Upa mwa ziba seo lukwakwa lwa kutibela luli sona, kamba nee. Ki mo ba beyanga likomu mwa—mwa mushitu, bana ni lukwakwa lwa ku li sileleza kuli lisike za lateha mo ne ba li bizezanga, ha li taha kwa milaka yafa litema. Ne li fula bucwani, kone ba selaela bucwani bwa kufula ka linako za maliha. Mi kipeto ni kukena mwa malundu, ni mona bana ni makwakwa a kusileleza, ko ba kauhanyanga za litole ni lipoho, ni zeñwi cwalo. Kona ze bizwa kuli lukwakwa lwa kusileleza. Kono lukwakwa lo lutuna lwa kusileleza ki koo mulibeleli wa lifolofolo ayema likomu halisweli kukena.

515 Mi cwale Ni pilile kwani, ka mazazi amañata, mwa sipula saka fa mukokoto wa pelesa, ni ku talima likomu halisweli kukena mwahali cwalo. Ne kubanga mifuta yeshutana kaufela ya likomu zateñi ze ne kenanga mwahali. Nekuna ni ze ne bizwa kuli “Diamond.” Mi zeñwi ne li bizwa kuli “Bar X.” Mi zeñwi . . . Zaluna neli bizwa “Tripod,” nto ye bonahala sina sisupo ya ba Boy Scout. Ze tatama, mwatasa zeo, ne li bizwa “Turkey Track,” fa mikokoto ya lipelesa. Mi nebana ni mishobo ya mifuta yeshutana kaufela, ya—ya kuzibela likomu za bona haba li isa kwande.

516 Cwale, mulisana na sa isezi ngana hahulu mwa mufuta wa komu yene banani, kono taba ki ye, mulisana na iseza ngana fa sisupo sene si beilwe kwa zebe ya yona. Lika kaufela ze ne kena mwateni, hakuna taba kamba neli folofolo ya mufuta o cwani, neina ni kuba folofolo yesina mazwake ya Hereford. Ne isakeni mwateni kwanda kuli ibe folofolo ya Hereford. Neina ni kuñoliswa kusi cwalo neisa lumelezwi kukena mwateni.

517 Na sepa, ka lizazi lani ha ka taha Mulena, Haana kuiseza ngana kwa mufuta wa sapalo se lu tinile, konji haiba lu Bakreste baba pepilwe sinca. Yeo ki niti. Zani kona libyana sakata za Kreste. Tatubo ya mali ika lu paka, luna kaufela lu Bakreste. Mi haiba lukaba ka nzila yani *kwani*, kihande lube ka nzila yeo faa. Nji ha mu boni cwalo? Yani kona nzila, lwa itumela kwa kopano ifi kaufela ye zwa kwa likeleke kaufela ze shutana.

518 Cwale lusweli kubala mwa Buka ye ya Maheberu. Muzwale yomuñwi uikozi zona hande kufitela aisa matepu mi usweli kuisa libuka za lituto ku sona.

519 Cwale lu ka taha, cwanoñu fa, mwa kauhanyo ya bu 11. Lu kulubela kotalima sani mwa maliha, fa kauhanyo yabu 11. Ku yomuñwi ni yomuñwi wa batu bani, lu bata kukutela mwa Buka ni kutama Mañolo kaufela hamoho. Ne ni ka eza cwalo. Ni eza fela mwa siemba, ku yeñwi ya se, mwa likauhanyo ze felile zee, kuli lube ni Buka kaufela kuitama hamoho. Kakuli, mwa bona, Mañolo alukela kubonisa Mañolo.

520 Mi cwale, haiba kuna ni kushutana kufi kaufela, kuli mutu ufi kaufela yaka nahana kuli Mañolo a lwanisana, ao ki mafosisa. Hakuna Liñolo le li lwanisana ni Liñolo leliñwi. Twa—twa niso

ifumaneha fela mwendi fo I shutanela ni nzila ya mutalimelo wa luna ku Yona, kono ha I kananisi ili Yona. Ni bile mwa bulumiwa, bu bo zamaile hala myaha ye mashumi amabeli ni a silezi cwale, mi Nali kuba, nihaiba nako iliñwi, ha ni kile na fumana mwa Bibebe fo ilwanisana ni se si ñozwi mwa Bibebe. Mi Na—Na ziba kuli zeo haliyo mwateni.

521 Mi kacenu lusweli kubala ku iliñwi ya likauhanyo ze fuyozwi hahulu ya Maheberu, kauhanyo yabu 7. Mi kana kuna ni ya sina Bibebe, ya tabela ku lu latelela halunze lu bala, lu ka tabela ku mi tambeka Bibebe haiba muka nanula fela lizoho la mina. Ni ka tokwa babañwi ba babhulu, yomuñwi, atahe ku to nga zeñwi. Kuna ni baba nanuzi mazoho a bona kwa mulaho kwani. Mi luitumezi, muzwale. Mi haiba mubata Bibebe, munanule fela lizoho la mina, mi kipeto ba ka mi tiseza yona.

522 Cwale, nzila fela yeo kekeke ikona kuyahiwa ka yona, nzila fela inosi yeo mutu akona kubela ni Tumelo ka yona, ha ki ka kopano ya hae, ha ki ka kuikopanya kwa silikani. Kono Tumelo ya hae ha ki ha itiyela mwa lituto zeñwi za bulapeli za mibonelo ya butu, kakuli ki, mwa buñata kamba bunyinyani, kaufela zona ki za butu. Kono nzila fela inosi yeo Tumelo ikona kufumana sibaka sa yona sa pumulo ye kateleha, ki fa Linzwi la Mulimu le li sa nyanganyi ni ku cinca. “Tumelo itaha ka ku utwa, ku utwa Linzwi.” Cwalo kona mo itahela. Mi—mi haiba Tumelo i utwiwa ni ku amuhelwa, ika tiya kuyakuile. Hakusana hape se si ka inyunga, hakuna taba ka ze taha kamba ze ya. Hakuna ze kona ku cinca Tumelo yani. Munahane ka zeo. Mu sweli ka kutiya, mi hamuna ku cinca, mwahala nako ni Kuyakuile. Mu sweli ka kutiya kuyakuile, “Kakuli Mulimu, ka sitabelo silisiñwi, u petahalize kuyakuile bona ba ba kenisizwe, kamba ba ba bizizwe.”

523 Mi Tumelo ina ni sibaka sesituna cwalo seo ku Mukreste, bupilo bwa mulumeli, kuli ikone kunga mayemo a yona kwatuko a libita la sileze kamba fahalimwa likwati la mufu, koo mbututu yomunde kamba mulatiwa usilezi kuzwa mwa bupilo bo kuya ku bwa mwabuse. Mi ka kotalimela ko kusabisa kwa liito la mbande, akone kotalima ku Yena yana ize, “Kina Zuho ni Bupilo.” Mi alibale lika za kwa mulaho. A ikataze kuya kwa pizo yepahami.

524 Ni tabile hahulu kuli Mulimu u konisize ze cwalo, mi u li lukisize kuba mpo ya mahala kwa sicaba kamukana. Cwalo kona mo lilukela kubela likeleke. *Likeleke* ha litalusi likopano kamba tutengo; li talusa, “Likwata za batu, za balumeli, baba kopani hamoho mwatasa kutwano ya Linzwi.”

525 Mi mwa tuto yetabisa ye fa ya Muhalalehi Paulusi, kwa makalelo a yona, mwa likauhanyo za kwa mulaho, u tatuluzi hande ka za Bumulimu bwa Mulena Jesu ni yo Nali yena. Krete nali Mulimu, a eziwa kuli batu bakone ku Mu ngunyuta ni ku

Mu swala, ni—ni kuba ni kopano ni Yena. Kreste, ili Mulena Jesu, nali mubili wa na pila kuona Mulimu, “Mulimu aezwa nama mi ato yaha ku luna.” Timotea Wapili 3:16, “Ki taba ye sa hanyezwi ya kuli kunutu ya bulapeli ki yetuna, kakuli Mulimu u bonahezi mwa nama.”

⁵²⁶ Yena Jehova yomutuna natile fafasi mi aezwa yakona kuswaliwa, ka mubili o pila wa Mwana Hae Tota, inza patalaza ni kukutisana lipilu za lifasi ku Yena. Mulimu ne si nto isili. . . Kreste ne si nto isili yeshutana ni Mulimu, mi—mi Mulimu ne si nto isili yeshutana ni Kreste. Zepeli hamoho za panga toho ya Bumulimu ka mubili, a eziwa ya mwatasi nyana kwa Mangeloi, ili kuli Akone kunyanda. Mangeloi hakoni kunyanda. Jesu neli Tabernakele ya na pila kuyona Mulimu.

⁵²⁷ Bible ibulezi cwana, mwa kauhanyo yabu 7 ya Likezo za Baapositola, kuli, “Litabernakele, ni litabelo- . . . za kucisa ni linubu za kucisa Ha u li tabeli, kono Wena u Ni ezelize mubili. Konohe Muambakani Yapahami haini mwa mandu a ezizwe ka mazoho, kono Wena u Ni ezelize mubili,” kuli mwa kuina kamba kupila mwa kopano ni mutu.

⁵²⁸ Mulimu ha lumeleza, haluse lufelize fela ni kauhanyo ye fa, kamba hase lufelize ni Buka ye, lu ka bata kukutela kutalima mwa Buka ya Ruti ni kubonisa teni ka mwa na tezi Mulimu kuba alimuñwi wa lubasi lwa hesu, kwa kukutisa baba latehile kutaha ku Yena ka kopano ni kuba alimuñwi wa luna. Muliululi ulukela kuba wa mwa lubasi, mi nzila inosi fela yeo Mulimu na ka to ba wa lubasi lwa hesu, neli ka kuba alimuñwi wa luna. Kacwalo, Na si ke aba Lingeloi ni kuba wa lubasi ku mutu.

⁵²⁹ Maabani manzibwana hane Ni sweli kuambola ku mwana ya lobehile pilu, mulikani mwa musebezi, wa me ya sa zo timela fela cwanoñu, naize, “Oh Muzwale Bill, Ni sepa kuli boma sebali Lingeloi busihu boo.”

⁵³⁰ Se nili, “Awa, Earl. Habana kuba Lingeloi. Ki basali, busihu boo, ona cwalo fela Mulimu mwa na ba bupezi, mi bakaba cwalo kamita, isiñi kuba Lingeloi.” Mulimu na bupile Mangeloi. Na si ka bupa batu kuli babe Mangeloi. Na bupile Mangeloi ni batu. Kacwalo batu habana kuba Mangeloi, ni Mangeloi haana kuba batu. Mulimu u libupile ka kushutana.

⁵³¹ Cwale, mi ku Kreste hataha mwa nama ku to liulula kuzwa kwabuse koo mutu na wile, mi kusa shwa kwani ka sibi ne ku shetumukile, Mulimu natile fafasi ni kuto apala mubili wa nama, ni kutoba mulikani wa mwa lubasi, kuli Akone kulwala libi za luna ni lifu la luna.

⁵³² Mi ku iliñwi ya liponahazo ze ne lu filwe, mwa lituto za kwa mulaho; kukutela fela hanyinyani kwa mulaho ili kuli babatile cwanoñu bakone ku utwisisa. Mulimu, mwa musipili wa Hae kuliba Kalvari, sina buhazo bwa lifu hane bu li ku Yena, mi neli sweli kuzengana ku Yena, mi mafelelezo ya Mu

luma kufitela Ashwa. Ashwa kufitela lizazi lituhela kumonyeha. Ashwa kufitela kweli ni linaledi lipalelwa kufa liseli la zona.

⁵³³ Kakuli, mwa Na ezelize zani, ku swalisa buhazo bwa lifu! Haiba Nali mutu ya sa shwi, haiba nali mwa bungeloi, kamba nali mwa moya, lifu halina zamaiso ya zeo. Nelina ni kutaha mwa nama, kuli Akone kunga buhazo bwa lifu. Kono haiba muka kamba kokwani yeluma, isa luma fela kunwelisa, haisa kona kuluma fateni hape. I siya buhazo bwa yona mwa nama. Mi seo kona Kreste sa na- . . . kamba Mulimu sa na bile sona. Kreste na pilile mwa nama, kuli Akone ku swala katata mwa mubili wa Hae Tota buhazo bwa lifu. Mi cwale lifu ha li Mu hohela fa sifapahano, la siya buhazo bwa lona, halikoni kuluma mulumeli ni hanyinyani. Ya kona kueza fela lilata ka mafufa a lona, likona kutaza lilata ni kusabsa, kono halikoni kuluma. Ha lina mulomo wa kuluma.

⁵³⁴ Muhalalehi yomutuna Paulusi, fa nako ya lifu la hae, ahuwa ni kubulela kuli, “Mawe lifu, buhazo bwa hao bukai? Ni wena libita, tulo ya hao ikai? Kono tumbo ibe ku Mulimu Ya lufile kale tulo ka Mulena luna Jesu Kreste, kakuli sibeli sa lifu ni libita halisana mata a zona.”

⁵³⁵ Cwale, he, Sunda yefelile ne litalima yakuli, “Lusiye milao ya lituto za makalelo za Kreste,” mwa kauhanyo yabu 6, lu bala cwana, “ha lu fitele ku za kupetahala.” Mi lufumani kuli sicaba kacenu mwa likeleke zeñata, hamoho cwalo ni ba Branham tabernacle ni zeñwi zeshutana, lu tiyela hahulu fa kuituta litaba za makelelo a Kreste: Nali Mwana wa Abrahamama, Nali Mwana wa—wa *Kuli-ni-kuli*, ni kukuta kwa mulaho, mwahala masika. Kono Biblele i bulela ili, “Ha lu beyeni kwatuko lika zani, mi lufitele ku za kupetahala.”

⁵³⁶ Pili mu lukela kuziba tuto, mi hape muna ni kuziba linto ze kaufela; konakuli ha lu li beyeni kwatuko, na ize, za zuho ya bafu, za kubeya mazoho, likolobezo, ni misebezi ye shwile yani kaufela ya Mulimu. Niteni, halina—halina Bupilo ku zona. Kono keleke kacenu iya fela kwa lika zani, “Oh, lu lumela mwa Bumulimu bwa Kreste.” Eeni. Luli. “Lu lumela mwa kolobezo ya mezi.” Eeni. Luli. “Kubeya mazoho.”

⁵³⁷ Paulusi naize, “Lu ka eza ze kaufela haiba Mulimu alumeleza. Kono fapila lika zeo kaufela, ha lu li beyeni kwatuko cwale, ni kufitela ku za kupetahala.”

⁵³⁸ Cwale, keleke haikoni ku petahala ka likopano zaluna. Iba kwahule hahulu ni Mulimu, ka nako kaufela, kamba kwahule luli ni yomuñwi ni yomuñwi. Lu lala milulwani, lwa ikauhanya ili luna, kubonahala kuli haluna Tumelo. Kono cwale ha lu siya litaba za makalelo a lituto zeo, haiba lu fitela kwa kupetahala, mi lika nyana zani liba zesina tuso.

⁵³⁹ Lu kena mwa silikani, mi lufumana kuli nzila fela yelukona kupetahala ka yona ki kuba ku Kreste. Mi lufumana cwana

kuli, ka lituto za Bibebe, kuli mo lu kenela ku Kreste; isiñi ka kolobezio, isiñi ka kubeya mazoho, isiñi ka kuluta. “Kono ka Moya ulimunwi kaufela luna lu kolobelizwe mwa Mubili ulimuñwi mi lu petahaliswa kufitela mwa manyando a Hae.” Konakuli, luka bonahala ka kushutana. Lu nahana ka kushutana. Lueza likezo ka kushutana. Lupila ka kushutana. Ha ki kuli ki musebezi kamba lu ba siemba sa keleke, kono bakeñisa “lilato la Mulimu leo a bonisize mwa lipilu za luna ka Moya o Kenile,” kona le li lu eza kuba mwa bañi ba Mubuso wa Mulimu, konakuli hakuna milulwani ya likopano ku zona. Luna kaufela lu Mubili ulimuñwi omutuna.

⁵⁴⁰ Cwale luitukisize kukena mwa tuto ya kakusasana, mwa mizuzu fela yelikani. Nto iliñwi ye Ni bata kufita kuyona fa, ki ya, kuli, Paulusi ubulela mwa Bibebe, ku ya bu 7, kamba, kauhanyo yabu 6, lu fumana cwana fa kuli lu petahalizwe ku Kreste. Mi cwale timana ya 13 ya kauhanyo ya 6, kuba makelelo fela a likani.

Kakuli Mulimu nako ya fa sepiso ku Abrahamama, kakuli nekusina ya Na ka konka ka yena ya mufita, a konka ka yena anosi,

Mulimu na konkile ka yena Anosi, kakuli Na si ke a konka ka ya mufita usili.

⁵⁴¹ Cwale lubata kukuta mwa mulaho. Haluyeni mwa Magalata fa nako nyana. Mu apule mwa Buka ya Magalata, ni kunga Magalata 3:16. Mi lu ka bala fa nako nyana fela, ka sa Na konkile ka sona.

Cwale ku Abrahamama ni peu ya hae sepiso ne li filwe. Ha buleli kuli, Ni kwa lipeu, sina zeñata; kono inge iliñwi, . . . kwa peu, yeli Kreste.

⁵⁴² Cwale haiba mulemuha, ka kubala seo ka tokomelo cwale, hamunze mubala.

. . .ku Abrahamama ni peu ya hae (iliñwi) ne ku filwe (zeñata) lisepiso.

⁵⁴³ “Abrahamama ni Peu ya hae.” Cwale, Peu ya Abrahamama neli ilimu, yeneli Kreste; mwa sibupeho sa pili ku, Isaka.

Kono Abrahamama nana ni bana babañata. Nana ni yomuñwi asikaba kale ni Isaka, yana bonisa kutaha kwa ku sa lumela kwa Sarah yana bata kuli Hannah apepe mwana, ka kunahana kuli na sa cembezi hahulu, mi Mulimu afitelela ni kueza nzila yeñwi ya Na sepsisize kueza ka yona.

⁵⁴⁴ Kono Mulimu ubuluka sepiso ya Hae. Hakuna taba ka mo li bonahalela cwani kusaba ni ngana, Mulimu utamehile kwa sepiso ya Hae. Mi Sarah anahana kuli mwendi na kaba ni Hannah, kamba, Hagare, nitaluse, mubeleki wa hae, kuli apepe mwana ka Abrahamama, mi kipeto yena ange mwana. Mi yani atoba Ishimaele, yana tiloba muutwa mwa mubili, kuzwelela nako yani

kufitela cwale. Niteni u sa li muutwa mwa mubili, kakuli ki mo kuzwile ma Arab, mi babile cwalo kamita.

⁵⁴⁵ Cwale, nako kaufela ha u palelwa kulumela Linzwi la Mulimu leli namile hande ni ku amuhela sika sisili, likaba muutwa mwa mubili wa hao kuzwa ona nako yeo kuya kwapili. Munge fela sa bulela Mulimu. Haiba U Li bulezi, ona sani kipeto kona Sa talusa. Oh, kufuyolwe Libizi la Hae! Munge fela Linzwi la Hae.

⁵⁴⁶ Hakuna taba ka se si taha, muli, “Kihande, Ha litalusi Sani.” Li talusa ona cwalo fela se Li bulela, ki foo Mulimu ha file sepiso.

⁵⁴⁷ Cwale haiba lu lemuha ka tokomelo.

. . . Abrahama ni peu ya hae ne ba filwe lisepiso . . .

Yeñwi neli Peu, iliñwi, mi yeñwi neli lisepiso. Kuna ni lisepiso zefitelela iliñwi, mi kuna ni batu baba fitelela alimuñwi baba liteni mwa Peu ya Abrahama. Mwabona? Kuna ni Peu iliñwi, kono batu ki babañata ba Peu ye. Mwabona? Ne si fela Abrahama anosi, kamba ku Isaka fela anosi. Kono neli . . . Neli kwa Peu kaufela ya Abrahama. Lisepiso ne li filwe kwa peu ifi ni ifi kaufela ya Peu yani. Mwa utwa kana? [Kopano ili, “Amen.”—Mu.]

⁵⁴⁸ Kabakaleo, luna, baba shwile ku Kreste, kuya ka Mañolo, lu amuhela Peu ya Abrahama mi luca sanda kuya ka sepiso. Isi ka kuikopanya kwa keleke, kamba kueza misebezi yeshwile, kamba—kamba zeñwi cwalo. Kono ka kupepwa ki Moya wa Kreste, luba Peu ya Abrahama, mi lu tamahani hamoho ni Yena mwa Mubuso.

⁵⁴⁹ Mi luzwelepili, ku bala, mi, fapata nyana fela cwale, “Mulimu wa fa buitamo.” Cwale timana ya 17 mwa kauhanyo ya 6.

Kifoo Mulimu, ka kulata kwa hae . . .

. . . Mulimu, ka kulata kwa hae ulatile kubonisa bo muca sanda sepiso ya mulao wa o sa konwi kukomiwa, ya pakile ka luci:

⁵⁵⁰ Oh, ha lu ikatuluse ni fela ka mizuzu yelikani. “Mulimu ka kulata kokutuna.” Isi kuli Nana ni kueza cwalo, kono ka kueza kuli taba ye ibe ya luli.

⁵⁵¹ Cwale, lu se lufumani kale kuli Mulimu natile mwa nama, atopila ku luna, kuli mane U iponahalize Iliyena kwa lifasi. Ha Na fumani musali mwa buhule, ali, “Ha ni—Ha ni ku nyazi. Zamaya, usike wa eza sibi hape.” Ha Na fumani mukuli, A eza ka mukwa wa Na lukela kuezeza fela, kakuli Nali yena Mulimu, mi A—A folisa mukuli. A zusa bafu. A swalela libi. Hakuna taba kamba nelili cwani, ni kuli ki zekai, kamba neli ya wile cwani mwa tumelo, A ba swalela, nihakuli cwalo, haibile fela ne ba itakaleza kutaha ku to kupa.

552 Cwale mulemuhe. Haiba Mulimu akile aeza sika ka nako yeñwi mwa mukwa omuñwi, mi haiba sika sona seo sataha hape, Una ni kueza kezo yeswana ka nako ya bubeli sina Mwa kile aezeza ka nako yapili kusi cwalo Una ni saluluti. Mwabona? Hakuna taba ka mo bezi ya maswe cwani mwa sibi, mo ubezi ya totobezi cwani, Una ni kueza ku wena Mwa na ezelize ku musali yana wile kusi cwalo Na ezize ka mafosisa nako yani. Muezezo wa Mulimu kona Butu bwa Hae, mi Sali sona mwa likezo za Hae sipaka Butu bwa Hae sakata.

553 Mi cwalo kona mo muinezi, mwa likezo za mina za bupilo, kona ze paka seo muli sona. Sina mo se lu bezi ni zona ni kufita mwahala zona, mwa tuto iliñwi kamba zepeli zefitile, sicaba sa ba Methodist si bulelenga kuli, “Ha u kona kuhuwa, kipeto una ni Ona.” Ba Pentekota bali, “Ha u bulela a malimi, una ni Ona.” Ba ku Njanja baize, “Ha u njanja, una ni Ona,” ki ba Kunjanja ba Pennsylvania bao. Mi lu fumani kuli kaufela bona ba lyangani. Bupilo bwa hao kona bo bu paka Cwalo. Butu bwa hao bu paka seo uli sona. Mutu u zibahala ka misebezi ya hae, ni seo kaufela bupilo bwa hao buli sona.

554 Mu utwile likande la kale lakuli, “Bupilo bwa hao bu bulela ka kuhuwa, Hanikoni ku utwa manzwi a hao.” Kacwalo kaufela soli sona, kona soli sona. Bupilo bo pila bu bonisa mufuta wa moya oli ku wena.

555 Mi he wakona kulikanyisa nto ye maswe, kamba, kulikanyisa nto ye lukile, mutuhele Ni bulele cwalo. Wa kona kulikanyisa Mukreste. Kono ku kaba, kwa na-lule-lule, ku ka taha nako ha ku ka sefiwa lika, kipeto li ka bonisa soli sona. Liwenge li tiyezi fa sibaka fo li fokolela mukwazo.

556 Krete Mwana Mulimu hana beilwe mwa muliko, ne si bonisize sa Nali sona. Luli. Ha u beiwa mwa muliko, si ka bonisa soli sona. Bupilo bwa hao kamita bu ka bonisa se sili mwahali ku wena. Kwa na-lule-lule, ubone kuli libi za hao hali ku kwacisi. Mi seo kona se lu lika kubulela.

557 Jesu naize, ku Muhalalehi Joani 5:24 kuli, “Ya utwa,” isiñi ya njanja, ya bulela, yena ya . . . “Ya utwa Manzwi a Ka, mi alumela ku Ya Ni lumile, una ni Bupilo Bobusafeli, mi haana kutaha mwa katulo; kono u zwile mwa lifu kukena mwa Bupilo.”

558 Ki tumelo ya hao. Mi tumelo ya hao, ibulelwa ka milomo ya hao, i bonahalela kwa sicaba se si kona ku utwa, kono bupilo bwa hao bu kwaluhezi fapila sicaba kaufela. Kacwalo, hakuna taba kamba ulika kuba ni kezo ya se ni kueza se, zeo halina kubeleka. Lina ni kuba ku wena. Wani kona munjeke wa niti mwa taba yeo. Tumelo ya butu bwa hao ku Krete ya zuhile, kakuba Mupulusi wa hao; kuli Uinzi kwa lizoho la silyo la Mulimu, unza sebeza mwa sibaka sa hao kakusasana cwana, hausweli kusebeza mwa sibaka sa Hae mo ka kuba paki. Paki u lukela kueza musebezi mwa sibaka sa mutu, aku yemele sina paki. Mi sina bupilo bwa

hao habunze bu bonisa fa seo bupaki bwa hao buli sona ku Kreste, bwa bonahala kwani ni kubonahala kwanu. Mi Yena ukwa halimu kwani, sina seo Ali sona ku wena, sibonahala mwa libaka zepeli kwanu ni kwale. Kona mo mu inezi cwalo . . . Ka tumelo ya hao, u pilisizwe, mi ki ka yona fela. Kacwalo, kunjanja, maikuto, sizuhela, sika kaufela, hasina sibaka mwahala Zona ni hanyinyani. Cwale, isiñi . . .

559 Cwale, musike mwa nahana ze maswe, kuli ha Ni lumeli mwa maikuto. Kiniti na lumela. Kono se luli ku sona cwale, ni lika kunwelisa kwa sicaba sa lizazi la kacenu, kuli ha ki maikuto. Diabulosi ungile lika zeo ni kulyanganisa sicaba, kutuhela kuli ba tome bukamuso bwa bona bwa Kuyakuile fa maikuto. Kuhuwa, kubulela ka malimi, kuya kwa keleke la Sunda ni sunda, kueza inge Mukreste, zeo halina kuba ni mayemo amakana ka lizazi lani. “Kwanda kuli mutu apepwe sinca.” Mi bupilo bwa hao bu bonisa soli sona mwahali, mwabona, isiñi maikuto a hao.

560 Wakona kuba ni mali mwa mazoho a hao, wakona kubulela ka malimi, wakona kufolisa bakuli, wakona ku shimbulula malundu ka tumelo ya hao, kanti mane ni foo ha u sesiñwi. Makorinte Bapili 13. Mwabona? Si lukela kuba sika se si ezahala ka Kupepwa ko kutaha kuzwa ku Mulimu, mi Mulimu utisa Kupepwa ko kunca ku wena, ni ku kufa siemba sa Hae. Kipeto lika zeo li cwalo. U sibupiwa se sinca. “Ni ba fa za Kuyakuile.”

561 Lu fitile mwa linzwi leo “Kuyakuile.” *Kamita* ki “nako ye tomilwe.” *Kuyakuile* ki kamita, kamita ni mita, kono kuna ni fela Kuyakuile kulikumumu. Mi lu fumana cwana kuli u amuhela Bupilo Bobusafeli, mi linzwi mwa Sigerike ki *Zoe*, le litalusa kuli “Bupilo bwa Mulimu.” Mi u amuhela siemba sa Bupilo bwa Mulimu, bo bu kueza mwana wa Mulimu wa moya, mi uba wa kuyakuile sina Mulimu hali wa kuyakuile. Hauna mafelelezo, hakuna sibaka fa kufelela, kakuli no sina sibaka fa ku kalela. Sika kaufela se sina ni makalelo sina ni mafelelezo, mi se si sina makalelo hasina mafelelezo.

562 Mo lu latela Linzwi lelinde leo! Ka mo Mukreste alukela kutomahanyezwa mwa Tumelo yekile yafiwa hañwi ku baba kenile, mi kusina ku zukuzeha kwa ni kwa, sibaka ni sibaka, ni kuikopanya mwa likeleke zeshutana. Keleke kaufela yo bata kuikopanya ku yona ilukile, haibile fela u Mukreste. Kono pili beya nto yapili, yeli ona Kupepwa kwani ko ku kueza kuba wa lubasi lwa Mulimu, sina Mulimu mwa na bezi wa lubasi ni wena.

563 U tiloba wa lubasi, kuli Akone ku ku zusa. Asika ku zuba kale, U ku file Bupilo Bobusafeli. Kipeto Mulimu nana ni kuba wa lubasi lwa hesu, kuli ange lifu, kuli aku zuse. Kona kuli una ni kuba wa lubasi lwa Hae, kuli uye mwa zuho. Mwabona seo sili sona? Ki ku shutanisa fela. Mulimu nabile wena, kuli wena ukone kuba Mulimu. Mwabona? Mulimu nabile siemba sa hao,

nama, kuli ukone kuba siemba sa Hae ka sishemo sa Hae, ku felile, kuba ni Bupilo Bobusafeli.

564 Ki siswaniso sesinde fela, mi, oh, lwa si lata.

Cwale, Mulimu, u latile hahulu. . .

565 Na sa lukeli kueza cwalo, kono Na tabela kuba cwalo. Ni tabezi hahulu ka seo, mina bo, kuli Mulimu wa luna wa itakaleza cwalo? Mutalime. Kucwani kambe Na—kucwani kambe Na sina pilutelele? Muselo wa Moya ki sikamañi? Lilato, tabo, tumelo, kozo, pilutelele. Seo ki siemba sa Mulimu mwahali ku wena. Ni kuba ni pilutelele, ku lwalisana mitiyo. Ku swalelana, sina Mulimu bakeñisa Kreste ha mi swalezi. Moya wa Mulimu ku wena u kueza kuba ka nzila yeo. Mi cwale Mulimu hanali fa lifasi mubu fa mi ato ba wena, nabile sibi, kuli Yena ka kunga sibi sa hao, aku lwalela sona ni kulifa mulatu wa sona. Mulimu una ni pilutelele, u lwala mitiyo yaluna.

566 Mi hape Ki Mulimu yomunde. Haiba mubata kuli, lika zeñwi libe ka nzila ya mina, mwa ziba, Mulimu ki yomunde hahulu kuli aeze cwalo. U lata ku—ku mi tabisanga. U bata kuli. . . U—U lilato, mi lilato la Hae lelituna li Mu hapelezanga kuli fokuñwi atahe fafasi linako zeñwi, kuli aku lumeleze kuba ni lika zo bata.

567 Amutalime ku Tomasi, kasamualaho wa zuho. Tomasi na sa lumeli. Oh, una ni bana ba bañata kacenu. Kono Tomasi naize, “Awa. Awa. Ni lukela kuba ni bupaki bobuñwi. Ni lukela kubeya mazoho aka kwa makupo a Hae, ni ku Yena. . . minwana yaka ikene mwa mazoho a Hae, kale Ni si ka lumela Zeo. Na, Hani na taba ka ze mu bulela.” Mwabona, na zwile mwa mulao wa Mañolo kuzwelela, ona fani. Mu lukela kulumela Cwalo. Kacwalo ki hali, “Ni lukela kuba ni bupaki bobuñwi, bwa kupaka Cwalo.”

568 Mi Jesu a bonahala, Ki yomunde, “Kifo taha, Tomasi, haiba kona zo bata, kihande, ki fohe cwale. Wakona ku ni swala.”

569 Cwalo kona mo luinezi. Lu bulela kuli, “Mulena, Ni lukela kubulela ka malimi. Ni—Ni lukela kuhuwa. Ni lukela. . .”

570 “Oh, zwelapili, Ni ka ku lumeleza kuba ni zona.” Ki yomunde.

571 Kacwalo a to beya mazoho a hae kwa makupo a Hae, mi ki hali, “Oh, ki Mulena ka ni Mulimu waka.”

572 Mi ali, “Cwale, Tomasi, u lumela kakuli u boni. Kono ki mupuzo o mutuna cwani wa baba sina se ba boni kono ba Lumela!” Ki fo he cwale. Foo kona fo luna ni kufita. “Ki mupuzo omutuna cwani wa baba si ka bona sika kono niteni ba Lumela.” Ki kezo ya tumelo, kuli lwa Si amuhela.

573 Cwale, Ni lumela kuli lisupo li latelela balumeli, kono ha lu beyeni lika zapili kuba kwapili. Mwakona kuba ni lisupo, kusina Se. Paulusi na bulezi kuli mwakona. Na ize, “Na kona kubulela ka malimi a batu ni a Mangeloi; Ha ni sesiñwi. Ni ha ni kona

ku shimbulula malundu ka tumelo yaka; Ha ni sesiñwi. Niha ni ka utwisisa Bibeledi, kuli mane Ni kona kuziba likunutu kaufela za Mulimu; Ha ni sesiñwi.” Mwabona, zeo ki limpo za Moya o Kenile, kusina Moya o Kenile.

574 Moya o Kenile ki Mulimu. Mulimu u lilato, tabo, kozo, pilutelele, musa, tibeledi. Wani kona Moya wa Mulimu. Sani kona seo Mulimu a zusize mwa mazazi a maungulo, ka ona Moya wani.

575 Cwale, “Ha tabeli . . .”

. . . *Mulimu*, u latile hahulu ku bonisa ku bo muca sanda ba hae lisepiso . . .

. . . *Mulimu*, u latile hahulu . . . ku bonisa . . . ku bo muca sanda ba hae . . .

Bo muca sanda ki bafi? “Luna, ha lu shwile ku Krete, lu ba Peu ya Abrahamana, ni bo muca sanda.” Oh, kana seo sa nwela hande? Lu bo muca sanda ba Mubuso wa Mulimu, ka sepiso yana ikonkile. Mulimu na sa lukeli kuikonka. Linzwi la Hae li petahalile. Kono A konka, hape, ka Yena anosi, kakuli nekusina yomutuna ya mufita.

576 Halusweli kubala kuya fapata, fa nako nyana, amuteeleze.

. . . sepiso ye sa konwi ku komiwa ka mulao, aitiisa ka buitamo:

577 “Ze sa komiwi,” ze ca cinciwi. Mulimu hakoni kucinca. Una ni kusiala ali yaswana. Mi haiba Mulimu akile afolisa mutu ya kula, Hakoni ku cinca muezezo wa Hae. Mulimu ha swalela muezalibi alimuñwi, lihule lililimu, Hakoni ku cinca muezezo wa Hae. Ze sa komiwi, ku sa cinca cinca kwa Linzwi la Mulimu. Mulimu naize, mwa sibaka sesiñwi, “Kina Mulena Ya folisa matuku a hao kaufela.” Una ni kuina ni Lona, kakuli Yena haana fa felela. Na zibile kuisa mwa maungulo kuzwa kwa makalelo.

578 Cwale, Na kona kubulela kuli, “Ni ka eza *sakuli*.” Mi Bibeledi ibulezi kuli, lu lukela kubulela kuli, “Haiba Mulena wa lata.” Kakuli, Ni mutu wa mubu. Ha ni zibi. Fokuñwi Ni na ku kutisa manzwi aka mwa mulaho, kono Mulimu hakoni kukutisa linzwi la Hae mwa mulaho. Yena ki Mulimu.

579 Mi Yena u kupile fela nto iliñwi, “Haiba u kona kulumela.” Oh, mawi! “Haiba ukona kulumela, lika kaufela za konahala.” “Haiba ukona kulumela,” ku felile. “Wena, haiba ukona kulumela,” ki yeo foo puzo. Kono isiñi ha ki kuli puzo iyemi fa Linzwi la Mulimu, kakuli, ku sa cinca wa Hae, Hakoni ku cinca. Haki bunde ni boo!

580 Cwale amuteeleze, halunze lu bala kushetumuka.

Kuli ka linto zepeli ze sa zikinyehi, ze Mulimu asike a eza lishano ka zona, . . .

Ze sakahali! Ku sa konahala ni ku sa zikinyeha leo ki linzwi lililimu fela; halikoni ku cinca, halikoni ku shenya. Lina ni kuina ka kuswana kuyakuile. Halikoni ku cinca, ze sa zikinyehi ni ze sa fetulwi.

 Mi zepeli ka linto zepeli ze sa koni ku zikinyeha, ze
 Mulimu asike aeza lishano ka zona, . . .

“Luna ni linto zepeli?” Eeni. Pili, ki Linzwi la Hae mi Uka li eza. Sa buleli neli buitamo bwa Hae ka lona, Na ezize cwalo. Oh, mawi!

581 Ki batu ba mufuta mañi bao lu lukela kuba bona? Ki kabakalañi ha lu kana lu zukuheza kafa ni kafa, ni ku amuhela lika za lifasi ni kueza sina mubonahalelo wa Bukreste bo bunca bwa 1957 ye? Lu bata kuba ba mifuta ya kale mufuta onga Mulimu ka Linzwi la Hae, ni kubiza lika ze ne siyo, kuli liteni. “Haiba ki Mulimu ya bulezi sika, Ao kona mafelelezo.”

582 Abrahamama, ya na filwe sepiso, ku yena ni Peu ya hae, na bizize lika ze ne siyo, inge kuli liteni. Kakuli, neli sepiso ya Mulimu, ka kuziba kuli Mulimu hakoni kubulela buhata. Na mu sepisize cwalo, mi a lumela ona Cwalo. Mi lilimo hane linze liekezeha, mi sepiso ya bonahala kuya kwahule luli, kwa liito la nama, Ya taha bukaufi ku Abrahamama.

583 Mwa sibaka sa kuba ya fokola, ni kubulela kuli, “Kihande, mwendi hakuna sika sa kuli foliso ya Bumulimu. Mwendi Ni ye fela- . . . Mwendi hakuna sika se si cwalo. Mwendi Ni bile ya fosa mwa mubonelo waka kaufela.” Mi, sani si bonisa nto iliñwi, kuli ha u si ka pepwa sinca. “Kakuli ki . . .”

584 Ne lu fitile mwateni la Sunda yefelile, kuktela mwa mulaho nyana fela mwa kauhanyo. “Kakuli ha ku konahali kuli mutu ya tatubile limpo za Lihalimu ni lika zende, yo kuli awe, hape ku mu ncaafaza kwa kubaka ha ku konahali.” Kaniti, mane ha ku konahali!

 Kakuli ya pepilwe ki Mulimu mi haezi sibi; kakuli peu
 ya Mulimu isiyala ku yena: mi hakoni kueza sibi, . . .

Peu ya Mulimu kona Linzwi la Mulimu. “Tumelo itaha ka kuutwa, ku utwa Linzwi, ‘Sitabelo ne si ezizwe. Kaufela lifelile.’”

585 Cwale, haiba u eza bumaswe, Mulimu uka ku eza kuli ulifele bumaswe boo. Kono haiba u eza cwalo, wa fosa, ha uezi zeo ka kulata. Timana ya 10, timana ya 47, Na sepa, “Kakuli ha lueza sibi ka boomu kasumulaho lu mano amuhela zibo ya Niti.” Kono ha u so Pepilwe, una ni Niti; isiñi fela zibo ya Yona, kono u amuhezi Niti mi se Ibile niti. Mi u mwana Mulimu, mwa nako ni Kuyakuile. Mulimu na konkile kuli Uka eza ona cwalo.

586 Jesu naize kuli, “Ya utwa Manzwi a Ka, mi alumela ku Ya Ni lumile, una ni Bupilo Bobusafeli, mi Ni ka mu zusa ka lizazi la mafelelezo. Haana kutaha mwa Katulo. U zwile mwa lifu ukeni

mwa Bupilo.” Cwale ni buitamo bo bu cwalo, “Mulimu na latile kuli lu Bu amuhele.”

587 Cwale mutalimele sa bulela fa, Paulusi u bulela kwa—kwa keleke.

*. . . haku konahali kuli Mulimu a eza lishano ka zona,
lu fumane ku tiiswa lipilu ka mata, . . .*

Isiñi kuli, “Kihande, haiba nji ba Baptist ha ba ni ingi hande, Ni kaya ku ba Methodist.” Mwabona?

*. . . lu fumane ku tiiswa lipilu ka mata, luna lu sabezi
kwa sisabelo kuli luswale ka tata sepo ye beilwe fapila
luna:*

588 Cwale mwa palo ya mafelelezo.

Sepo yeo lu isweli sina ankora ya moya,

*. . . Sepo, yeo ki buitamo bwa ikonkile Mulimu, lu
isweli sina ankora ya moya, ye tiile ye tata, ye ilo kena
kwabuse bwa lisila;*

589 Ha lu buleleni fa nako nyana fela ka “za lisila.” Ne lu si ka utwisisa hande busihu Sunda yefelile.

590 “Mwa lisila.” Lisila ki nama. Lisila kona le li lu tibela kwa kubona Mulimu, pata ni pata, mwa keleke mo. Lisila kona le li lu paleliswa kubona Mangeloi mwa libaka za ona kakusasana cwana, inge ayemi bukaufi ni lipula. Lisila kona le li lu tibela ku Mu bona. Lu patilwe kwa mulaho wa lisila, mi lisila lani ki nama. Lu bana ba bashimani ni basizana ba Mulimu, lu fapila Kubatani kwa Mulimu, “Mangeloi a Mulimu ainzi ka kupotoloha baba Mu saba.” Lu fapila Kubatani kwa Mulimu, ka nako kaufela. “Hanina ku mi siya, kamba kuli Ni mi yaye. Ni kaba ni mina ka nako kaufela, mane kuisa kwa maungulo.” Kono lisila ki nama, seo kona se si lu inisa kwahule ni Kubatani kwa Hae. Kono kufita mwa moyo, mwa Moya, ka tumelo yaluna lu ziba kuli Usweli wa lu bona. U yemi kwatuko ni luna. U teni mo ona nako ya cwale.

591 Kwani kwa Dotani, kakusasana omuñwi, mupolofita wa kale na potolohilwe ki mpi mi ni mutanga hae azwela fande ki ali, “Oh ndate, naha kaufela ipotolohilwe ki bazwahule.”

592 Mi Elia a nanuha, mi ali, “Kiñi, mwana ka, ki babañata babali ni luna kufita babali ni bona.”

593 Kihande, a kobyā meeto a hae ni kutalima kafa ni kafa. Hakuna sa na bona.

594 Ki hali, “Mulimu, Ni kupa kuli U kwalule meeto a hae, apula fateni lisila.” Mi cwale lisila limano apulwa fa meeto a hae, bukaufi ni mupolofita ya hulile yani nekuna ni makoloi a mulilo, malundu natuka Mulilo ni Mangeloi ni makoloi. Ki fo he cwale.

595 Oh, cwale Gehazi abulela kuli, “Na—Na utwisisa cwale.” Mwabona, lisila la wa kwateni. Fani kona fokuna ni se si tibela.

⁵⁹⁶ Ki se fa. Mu si swale ka kutiya. Lisila kona le li lu paleliswa kupila mo lu swanela kupilela. Lisila kona le li paleliswa kueza lika luli ze lubata kueza. Mi Mulimu ato apeswa mwa nama, mi lisila la pazulwa mwa liemba zepeli. Mi Mulimu aba Mulimu hape, mi A zwise lisila la Na ipatile ku lona Kasibili. Yani kona zuho ya Mulena Jesu. Kubonisa ku luna kuli, mwa lisila mo lu patilwe mo cwale, ka tumelo lwa Li lumela ni ku Li amuhela. Mi cwale lisila *le* ha se li pazuzwi mwa liemba zepeli, Ni kaya fapila Kubatani kwa Hae ni sepo ye, ya kuziba kuli, “Ni Mu ziba mwa mata a zuho ya Hae.” Kwa Kutaha kwa Mulena Jesu, lisila le li ka zusiwa hape, mwa nzila ye petahalile, kufitela Ni yo zamaya ni kuambola ni Yena kakuba Mupulusi wa ka ni Mulimu wa ka, nako Ya ka nga lubona lwa Davida. Mi luka pila kuyakuile mwa lisila le hase li petahalile, kono lisila le kwateni lina ni sibi ku lona. Halina taba kamba. . . Musike mwa be munahana ka za mubili ofilwe kanya wani mwa lifasi le. Una ni kushwa, kuswana sina moyo wa hao hauna ni kushwa, kuli upepwe sinca.

⁵⁹⁷ Mwa kupetahala, ha ki mwa kuca manama, ni kueza *se*, ni kupetahalisa mubili, hamuna kuba ni ona. Mi muna ni kutuhela kueza *se*, ni kueza *se*, ni kueza *se*, ni kueza *se*, wo ki mulao. Zeo ki za ba milao. Ha lu lumeli mwa mifuta ya za milao ya puluso. Lu lumela Kuli ka sishemo lu pilisizwe. Mi ha ki wena. Hauna sa kueza ka sona. Ki keto ya Mulimu ye eza cwalo. “Hakuna mutu yakona kutaha ku Na haisi kuli Pili Ndate a mu bize.” Yeo ki niti. Mi Yena. . . Kaufela za na tezi Jesu ku to eza neli kunga bana zibile kale Ndate; ni ku ba ketela cimo kusika tomwa kale mutomo wa lifasi kuli babe bana ba bashimani ni basizana ba Mulimu. Amen. “Ha ki yakona kumata, kamba yena ya itakaleza, kono ki Mulimu ya bonisa sishemo.” Mulimu ki yena yaeza cwalo. Haukoni ku i kuhumusa, ni hanyinyani. Hakuna sika so ezize. Mulimu, ka sishemo, u ku pilisize; ha ki wena, kasibili. Haiba ueza cwalo, una ni so kona kuikuhumusa ka sona. Konohe hauna sa kuikuhumusa ka sona. Milumbeko kaufela ifiwa ku Yena. Ki Yena. Mi kutuha foo U ku file sepo yetezi, “Na konkile ka buitamo, ze sa konahali kuli bana ba Hae basike ba lateha.”

⁵⁹⁸ Cwale, ba shapiwanga ka kueza bumaswe. U ka kutula so cala. Mu u twe zeo. Musike mwa nahana kuli cwale ki kuikela fela fande ku yo eza sibi, ni kuitwaeza sona ona cwalo. Haiba u eza cwalo, mi una ni mubonelo wa lika o cwalo wani, si bonisa kuli wa li kuba upepwe sinca. Mwa utwa kana? Haiba u sa na ni takazo ku wena, ya kueza bumaswe, konakuli u Sali ya maswe. Mwabona? “Kakuli U petahali, kuyakuile, bona baali ba. . . Mi lipoho zani mwatasa Testamente ya Kale, mwatasa mazazi a za milao, ana sululwa mwaha ni mwaha, ka kuswalelela, na sa takuli sibi.” Kono cwale ha lu beya mazoho a luna fa toho ya Hae, ni kuipulela libi za luna mi lu pepwa ka Moya wa Mulimu, halusana takazo ya sibi ni hanyinyani. Sibi se si zwile ku mina. Zeo ki mwahala nako ni Kuyakuile.

599 Muka ba ni kueza mafosisa. Muka wa. Mu ka eza mafosisa ka kulata. Mu ka zwela kwande nako yeñwi ku yo eza lika zeñwi. Sani ha si talusi kuli mu latehile. Sani si talusa kuli muka amuhela sikuluho.

600 Mushimani waka yomunyinyani, linako zeñata, bana baka, ba ka eza lika zeñwi. Ba mina baeza, nibona. Kuli mina. . . Ba ziba kuli za lwanisana ni milao ya—ya mina. Mi ba ziba se si lukela kutaha mwateni ha ba eza lika zeo. Ba ka amuhela tupa ka zona, linako zeñwi ki nto yende. Kono niteni usali mwana hao. Kiniti.

601 Ha ku konahali kuli mutu yani kuli a latehe hape, yakile a pepelwa nako yeñwi kwa Bupilo Bobusafeli. Mulimu ha ki mufani wa mu Indian. “Ya utwa Manzwi a Ka, mi alumela ku Ya Ni lumile, una ni Bupilo bwa kamita; mi haana kutaha kwa Katulo, kono u sa zwile kwa lifu kukena mwa Bupilo. Ni ka mu zusa ka lizazi la mafelelezo.” Yeo ki sepiso ya Mulimu.

602 Cwale ha mu zwelapili, kubulela kuli, “Oh, kihande, kona kuli Ni kona kueza. . .” Ni eza kamita ze Ni bata fela kueza. Kono haiba u Mukreste, hauna kutabela kueza lika ze fosahalile, kakuli Bupilo bwateni luli bu ku wena, ona mutomo wa luli. Ha u bata kueza mafosisa, si bonisa kuli kuna ni nto ye fosahalile mwahali *moo*. “Kana mezi ababa ni a munati akona kuzwa cwani mwa lisa lililimu?”

603 Kona kuli mu lyangani ka maikuto amañwi a mubili, kamba bunde *bobuñwi bwa* maikuto a fitelezi cwalo: Mulibale zeo! Kutela kwa aletare ni kubulela kuli, “Mulimu, zwisa bupilo bwaka bwa sibi, mi u ni beye mwa buino bwa kuli takazo yaka kaufela. . .”

“Ya pepilwe ki Mulimu ha ezi sibi.” Yeo ki niti. Haana takazo ya kueza cwalo.

604 Kiniti, diabulosi uka mu swasa *fa ni faale*, kono isi ka kulata. Ki Bibebe yebulezi cwalo. Diabulosi uka mu swasa, fa ni faale. Luli, uka mu swala. Nalikile ku yumbela tulaba ku Mulena luna Jesu. Na ezize cwalo ku Mushe, a mu swasa. Na ezize cwalo ku Pitrosi, amu swasa. Na ezize ku babañata, kon. . . Pitrosi mane na Mu latuzi, kono he nailo lila hahulu ha butuku. Ne kuna ni Sesiñwi ku yena.

605 Mi nkwilimba hane i tamuluzwi mwa areka. . . Liñwalala la zwela fande, la yo lila lila mwa sibaka. Nelili mwa areka hande fela, kono ha li zwela kwande, sibupeho sa lona sa yo shutana. Ne li cile litupu za kale kaufela zene li bata kuca, mi la kula. Kiñi? Nelili liñwalala, ka kukala. Nelili linoñu. Ne li si leline. Nali muipi yana inzi fa mutai hamoho ni nkwilimba, neli yetuna fela sina nkwilimba mo ne ibezi. Ne li fufezi kaufela fo ne ifufela nkwilimba. Kono ne ica lico zende mane inge nkwilimba fela mo ne icela. Mi hape neikona kuca lico zeboli, ze ne isakoni kuca nkwilimba. Kakuli, nkwilimba yona ya shutana. Ki ya mufuta

o shutana. Ki nkwilimba. Mi nkwilimba haikoni kukaya lico ze bolile, kakuli haina nyoko ni yekana.

606 Mi mutu ya pepilwe ka Moya wa Mulimu uba nkwilimba ya Mulimu, sibupeho sa hae, cincho ya hae, siyemo sa hae. Eeni, sha. Mu beye moya wa—wa nkwilimba mwa liñwalala, haikoni kulula fa situpu se si shwile. Haiba ikona kulula fateni ka mafosisa, ika nanuha ni kufufela kwahule kapili. Haikoni kuyemela ze cwalo. Mi mutu ya pepilwe ka Moya wa Mulimu, hana ku tuhelela lika. Wakona ku monyeha mwa sibaka sa manwelo a bucwala nako yeñwi, kono uka zwa mwateni kapili. Musali wakona ku mu shemaeta, ku mu fetula fetula, kono uka sikululela toho ya hae kusili hape. Uka zwa mwateni kapili. Kiñi? Ki nkwilimba. Yeo ki niti. Hauna ku mu lyanganisa, kakuli zeo wa liziba. “Lingu za ka liutwa Linzwi la Ka, mi muenyi ha li na ku mu latelela.” Yena ki nkwilimba, ka kukala. Sani kona se Ni bulela, ki nto yeñwi yabutokwa ye sweli hande mwateni.

607 Mutalimele ka tokomelo cwale. “Mulimu na ikonkile.” Oh, ki . . .

Sepo yeo lu isweli sina ankora ya moya, ye tiile . . . ye tata, yeilo kena kwa buse bwa—bwa lisila le li sileleza;

608 “Ki lisila.” Mulimu natile fafasi, ato ina mwa lisila la nama. Ku eza sikamañi? Kuli a iponahaze Iliyena. Nana ni kuipata, kakuli ne lu si ka Mu bona. Mi Aipata kwa mulaho wa lisila. Mi lisila neli Mañi? Jesu. “Haki Na ya eza misebezi, kono Ki Ndate,” ki Jesu yoo. “Ki Ndate ya pila ku Na. Na sebeza. Ki Ndate ya sebeza, mi Nina na sebeza cwalo.” Ki Yo fa ya apezi mwa nama Iliñwi, inza zamaya mwa nama, Mulimu, Emanuele, Mulimu una ni luna. “Mulimu nali ku Krete, inza kutisana lipilu za lifasi ku Yena.” Ki Yo fa, inza zamaya zamaya.

609 Cwale, Na tile fafasi mi atisa ku keniswa, kamba tuso, kamba swalelo, kuli ka lifu la Hae a ipa, alifa tifo ya sibi, kuli Akone ku kuta ni kuto pila mwahali a kuluna. Kona kuli tumelo yelunani ki—ki ki tumelo ye apesizwe, kamba lisila la mutu. Kabakaleo ha lu talimeli fa lika ze lubona mwa lisila. Lisila lina ni tuto, mi li eza lika kubulela lika. Ki nto ya sayansi. Kono Moya wa Mulimu ya pila ya pila mwahali mo, ubiza lika ze ne siyo, inge kuli liteni, haiba Mulimu na bulezi cwalo. Ki leo lisila la mina foo. Lukeni mwa lisila.

610 Cwale, zazi leliñwi Uka zusa lisila le, ya si ka pepwa ki musali ka takazo ya foso ya muuna ni musali, kono ka tato ya Mulimu Uka bulela mi la ezahala. [Muzwale Branham uliza munwana wa hae—Mu.] Mi lu kaba ni mubili oswana sina mubili wa Hae Tota o kanya. Lu ka apeswa, kuli lukone ku ikambota, ku swalana mwa mazoho ni mutu ni mutu.

611 Cwale, ha lu ka zwa fa, kuna ni tabernakele, ya bungeloi, ki sibupeho fela sa mutu, ya sa ci, ya sa nwi, ya sa lobali, yena utonelezi kuyakuile. Kwani kona ko luya. Kono ba libelezi

mwatasa Aletare, inge balila kuli, “Mulena, ki lili? Ki lili?” kuli atahe. Kakuli, ba bata kuswalana mwa mazoho ni mañi ni mañi. Ba bata kuina ni kuca, ni kuikambota ni mutu ni mutu. Ki batu. Kufyolwe Libizo la Mulena!

⁶¹² Mi Mulimu hana ezize mutu mwa siswaniso sa Hae Tota kwa simuluho, Na mubupile ona cwalo. Na kopana ni mutu ni mutu, kakuli lwa zibana mutu ni mutu. Lu tabela lika zeo Mulimu a lu ezize, kakuli ne lu ezizwe cwalo. Mwa Kutaha kwa Hae kokutuna, baba itukisize bakaba ni luna kuyakuile. Baba sa shwi, luka yema ka kuswana kwa Hae. Oh kufuyolwe Libizo la Kreste!

⁶¹³ Mi cwale luna ni swalele ya kupiliswa kwa luna, halunze lu Mu amuhela kuba Mupulusi wa luna, ka kuba Mufolisi wa luna. Ze kaufela ki litifo, kamba, lituwelo ze lifilwe fa mulao wa bupilo. Amen. Mwa ziba seo mulao wa bupilo mo uinezi. Mwakona kuba ni lituwelo ku zona kufitela butokwa bwatani bu taha. Kiniti. Mwakona kuba ni lituwelo. Mi lusweli ku amuhela lituwelo onafa cwale. Fela, taba yatani, halusweli fela kufumana lituwelo, mashelēni a litifo asweli kupahamela kwatani hape.

⁶¹⁴ Mubeleki wa katengo ka milao ya bupilo, nako yeñwi, naize ku na, “Billy, Ni tabela ku kulekisa sepiso ya mulao wa bupilo.”

Se nili, “Nina ni ona kale.” Musala ka ani talimela.

⁶¹⁵ Cwale, hakuna se ni nyaza ka katengo ka mulao wa bupilo. Kono batu babañwi haba hakuna zeba ziba “ka katengo ka milao.” Kacwalo, ba talimana. Ki hali . . .

⁶¹⁶ Musala ka ani talima, ka mukwa usili, “Una ni silelezo ya katengo kao?”

⁶¹⁷ Se nili, “Luli.” Hakuna sana ziba ka zona.

⁶¹⁸ Ki hali, “Kihande, Billy, ki mufuta mañi wa silelezo ya mulao wa bupilo yo nani?”

⁶¹⁹ Se nili:

Sepo ye fuyozwi, Jesu ki waka!
Oh, ha ki munati wa kanya ya Lihalimu!
Muca lifa kwa puluso, ya lekilwe ki Mulimu,
Kupepwa ka Moya wa Hae, kutapiswa mwa
Mali a Hae.

⁶²⁰ Mi ali, “Seo ki sesinde luli, Billy,” mi ali, “kono haina ku kulifela sika mwa libita.”

⁶²¹ Se nili, “Kono I ka ni zwise mwatani. Yeo kona nto ya butokwa.” Ha ni bilaeli za kukena mwatani; Ni bilaela mwa ku zwela mwatani.

⁶²² Mi haibile Nina ni sepo, yene konkilwe ki Mulimu wa Kuyakuile, ya kuli Uka ni zusa hape mwa siswaniso sa Mwana Hae, ka lizazi la mafelelezo, Ni ka zamaya ka bundume ni kuba ni kutiya ni mayendameno mwa moyo, kuli, ha Ni sa li mwa lisila

le kuna ni Sika se si sa bonahali se si ni sweli hande kwa Licwe la myaha myaha lani kwabuse. Mezi a tula ni ku hasaka, ha si tisi shutano ni yekana. Haiba lifu, matata, kamba sika kaufela, si lu kauhanya kwa lilato la Mulimu. Anhora yaka iswala ka tiya hande mwahala lisila. Mutuhele muunda utahe umane. Ha u kasha mo ukonela. Mutuhele baba sa zibi za bulapeli ba tahe mo bakonela. Mulumeli ya pepilwe sinca una ni anhora ya mayendameno. Ha mukoni kubona seo mwa lisila le pili. Kono Ni ziba kuli anhora ya mayendameno aka iswalelezi hande kwabuse bwa Licwe la myaha myaha, Yali yena sepiso ye konkilwe kuli Uka ni zusa ka lizazi la mafelelezo.

⁶²³ Ki kabakaleo mwakona kutalima lifu mwa pata, ni kubulela kuli, “Bukai buhazo bwa hao? Libita, ikai tulo ya hao? Kono tumbo ibe ku Mulimu Ya lufa tulo ku Mulena luna Jesu Kreste.”

Koo mutwaleti . . .

Oh, mawi! Haluna kufita mwa tuto.

Koo mutwaleti . . . wa luna

⁶²⁴ Mutwaleti. Kana mu lemuhile, mwa mazazi a kale a makuwa (Linako zeñata Ni zamaile mwa tunzila twa kale.), mutwaleti, kamba mucaindisi? Sikocikala sa sitima hane si sinyeha, bakeñisa mezi, mucaindisi na matela kwapili. Mi na bona mishobo ya ma Indian; wa ba fitelela. Mi abona kone kuna ni liweluwelu la mezi. Amatela kwa mulaho ni ku yo zibisa muzamaisi wa sitima, “A akufisa lipelesa, mañi ni mañi amu tiye, kakuli kwabuse fela bwa lilundu kuna ni liweluwelu lelituna la mezi.” Ki yena mutwaleti.

⁶²⁵ Mi fa, yena Mutwaleti. Mutu nako yeñwi akile a bitelwa fafasi ki diabulosi, mwatasa mulilo wa kapili, kono Yomuñwi anga maipato kwa tobolo yetuna. Yani neli Jesu. Mutwaleti u itahanezi fapila luna. Mi Satani ali kufema fani ni tobolo yetuna, ku lu sineleketa fafasi, kamita lu mwa litamo za kusaba lifu. Na sweli ku tokomela Liweluwelu lani. Luli, naeza cwalo. Na filwe tumo, kakuli ne lu ezize sibi mi lwa kashezwa kwahule ku Sona. Kono hali Mutwaleti, Kreste, ataha ku tonga silelezo.

⁶²⁶ Mu utwile pina ya kale yani yakuli, “Amuswale lilwaniso, kakuli Na taha?” Muswale lilwaniso, hakuna; halu li lwaleni. Ha lu sa lata ku li lwala ni hanyinyani. Kreste na ngile lilwaniso. Haleluya! Munyako u kwaluhile. “Kuna ni Liweluwelu le li kwaluhile mwa ndu ya Mulimu, mwa munzi wa Davida, a kenisa, a kenisa ya masila.” Mutwaleti wa luna u itangetite kale kwapili a luna.

⁶²⁷ Mutaleti, U lu bulelela kuli, “Kuna ni sibaka sa mwabuse, kwabuse, ko musike ku yo supala.” Ko kusike kwa yo ba mañonde, ko usike wa yo itusisa mipende ya Max Factor kuli ubonahale hande ku muuna hao. Mutwaleti u itahanezi kale kwapili ku luna. Hakuna sibaka sa ku katala ni kunjanja. Sani kona sibaka ko musike ku yo kula. Koo mbututu haana kuba ni

kunyapa mwa mba. Ko musike ku yo shokoha, nihaiba, liino, kuli mu comeke la buhata. Halleluya! Oh kufuyolwe Libizo la Hae! Na keni mwahali, mi kusina kushwa lu ka yo yema ka kuswana kwa Hae, zazi leliñwi kwabuse kwani. Linaleli ni lizazi li ka monyeha hahulu. Kiniti. Mutwaleti u itahanezi kwapili a luna.

. . . mutwaleti saile, uilo kena bakeñisa luna, ili yena Jesu, ya ezizwe muprisita yomutuna wa linako ze safeli kuya ka mukwa wa Melekisedeke.

628 Yena Mutwaleti yomutuna yo uile kwapili a luna, inza lukisa nzila. U zwile kwa Moya, maweluwelu amatuna a nambwamutalati wa Mulimu, Yana sina makalelo kamba mafelelezo. Nali, wa kuyakuile, Mulimu.

Lumonyi lwa Liseli lo ha ne lu tuka. Neli lumonyi lwa lilato, yani ki yena wa butokwa, bufubelu. Mubala otatama wa latelela, onoli bundilu; ndilu, ili buniti. Kutuha foo, mwa mulaho wa sani neli mibala isili, ka mibala yepetehile yesupa, yeli Mioya yesupa ya Mulimu, yene zwelela kwa Liweluwelu lelituna lani kamba yona Diamond yana bulezi Jesu za yona. Yona Diamond tuna yani ne i sehilwe, kuli ibonahalise mibala ye. Mulimu na ezizwe nama mi a to yaha ku luna, kuli Akone kumonyeha bunde bwa Hae ni sishemo mwahala luna, ka limpo ni lisupo ni ze komokisa.

Ona nambwamutalati yani ya taha mwa mubili wa bungeloi, o no ezizwe mwa sibupeho sina mutu. Ibo, Na si mutu; Na sina mubili, ni haisali. Nali mwa bungeloi.

629 Mushe naize, “Ni bata ku Ku bona.” Mulimu amu pata mwa licwe.

630 Mi cwale Ha sa mu fitelezi, A sikulula mukokoto wa Hae. Mushe ali, “U bonahala inge mukokoto wa muuna.”

631 Cwale ki sikamañi se si tilo ezahala? Zazi leliñwi kulo kwani, fani Abrahama inge ainzi mwa tende. Lu ka fita ku zona, busihu boo. Fani Abrahama hana inzi mwa tende ya hae, Mulimu ataha ku yena, mwa mubili wa nama.

“Oh,” mu li, “Muzwale Branham, nali cwalo. . .”

632 Luka Mu fumana ona fa inza kopana ni Abrahama kusika fita kale seo, mwa mukwa wa Melekisedeke, ali mubili wa nama, yanali yena Mulimu. Luli, neli yena. Nali Mulimu mwa nama.

633 Mu li, “Cwale, Muzwale Branham, kiñi ha Na tahile hape ku to pepwa?”

634 Na si ka pepwa ka nako yani pili. Na bupilwe fela, ka mubili wa Na keni ku ona. Melekisedeke neli Mulena wa Salema, ili Mulena wa Jerusalema, ili Mulena wa kozo; yana sina ndatahe kamba mahe, makalelo a mazazi kamba mafelelezo a bupilo.

Jesu nana ni ndatahe ni mahe, ni makalelo a mazazi ni mafelelezo a bupilo. Kono Yena na ezizwe “ka mukwa” wa

Melekisedeke, yana sina makalelo a mazazi kamba mafelelezo a bupilo.

⁶³⁵ Melekisedeke nali Mulimu Kasibili. Melekisedeke nali Jehova Mulimu, yena Ya swana yana katani Abrahamama, lilimo kasumulaho, kwa pata a tende ya hae. Na sikululezi mukokoto wa Hae ku yena; Mi ali, “Kiñi Sarah ha sehile?” Yeo ki niti. Neli yena ya Na yemi fani, inza talimezi kwa Sodoma. Abrahamama a Mu lemuha, kakuli mwahala lisila la hae nekuna ni ankora yene sweli sepišo yani. Isi kuli nana ni maikuto a mubili, kono Mulimu na mu ezelize sepišo. Mi cwale ha na tilo swalisana ni magesi amatuna ani, aziba kuli Neli mwa mubili wani.

⁶³⁶ Azamaya kuzwela kwande ni Abrahamama, kuya mufumbo nyana mwa patelo. A bulelela Abrahamama. Ali, “Ka kubona kuli, Ni ka patela lika ze ku Abrahamama, ka kubona kuli ki yena muca lifa la lifasi? Hanina fela kueza cwalo.” Kacwalo, “Abrahamama, Ni ka kubulelela se Ni mwa mulelo wa Ka,” luka i nopa fa busihu bwa kacenu, “kulo kwani kwa Sodoma,” ni sene ba ka eza kaufela. Mi amano fuyola fela Abrahamama, Akutela hape mwa sibaka sa mbyumbyulu hape. Mutu yana yemi fani ni maluli kwa liapalo za Hae, ali Muuna. Mi mane ha ki zeo fela, kono Na cile nama ya namani yana bulaile Abrahamama, ni kunwa mabisi a komu, ni kuca masikono amañwi a masuba fahali (sinkwa sa mbonyi cwalo), mi ne ba lambile kwateni mafi. Yeo luli ki niti. Mi kipeto ni ku kutela kwa bungeloi hape.

⁶³⁷ Neli sikamañi sani? Kiñi ha Na si ka inga ona fani? Na si ka pepwa kale sina wena ni Na. Kono Nana ni kupepwa mwa nama, kacwalo Na konile kuswala buhazo bwani. Wani neli mubili o bupilwe. Wani neli mubili wa Na hohile fela kalsiamu ni potashi mwa mubu, ni kuli, “Whew,” ni kukena kuona. Sani ki sika se siswana ni sa nali sona Melekisedeke. Na tilo kena ku yena, mwa mubili wa Na konile kukena ku ona fapila hae mwatasa lisila, wa lisila la pupo ya Hae Kasibili; isiñi lisila la pupo ya musali, ka mba ya musali, ka kufitela mwa—mwa selu, kutokwa. Kono Na bupile wo ni kukena ku ona, mi a bulela, ka mukwa wa Melekisedeke.

⁶³⁸ Kimañi Melekisedeke yoo?

Kakuli Melekisedeke yo, mulena wa Salema, (ili kuli Jerusalema), mwana Mulimu muambakani ya pahami, (kiniti), yana katani Abrahamama ha kuta kwa kubulaya malena, mi amu fuyola;

Ki yena ya filwe hape ki Abrahamama nto iliñwi ku zelishumi za tutu yailo hapa kaufela; pili ha ku taluswa ki Mulena wa kuluka, (lona lilato lelituna lani, ona Moya omutuna wani kwa simuluho)... Mulena wa kuluka, . . . kutuha foo . . . Mulena wa Salema, ili, kuli Mulena wa kozo;

Ki yasina ndatahe, kiyasina mahe, haana lusika, asina makalelo a mazazi, kamba fo bu felela bupilo; . . .

639 Yoo neli mañi? Na si ka pepwa, Haana kushwa. Ki yena mañi? Neli Mulimu, luli, neli yena, mwa muluti wa Mulena Jesu. Kiniti nali cwalo. Kono Nana ni kutaha ka musali, ka mukwa o mutahile ka ona kufita ku musali. Mi Nana ni kutaha ka nzila ye mutahile ka yona, kuli akone ku mi kutiseza ku Yena. Haleluya!

Muhau okomokisa, haki muhuwo kwa munati,
O pilisize mubotana, sibofu muikunyandela
sina na!

Ne ni latehile, kono cwale Na fumanwa, ka
sishemo sa Hae,

Ne ni li sibofu, kono cwale Na bona.

640 Na utwisisa sa Na na ni kuezwa. Mulimu natilo ba na, kuli Na ka sishemo nibe wa Hae. A lwala libi za ka, kuli ka kuluka kwa Hae Nikone kuba ni Bupilo Bobusafeli. Ne ni si ka iketa ili na. Sibupheho sa ka neli sa muezalibi. Neni sina sa kuezwa ni sona. Ne ni “pepezwi mwa lifasi, na bupiwa mwa bumaswe, nitile mwa lifasi inge ni bulela buhata.” Kusina nihaiba kolo, ni yekana; hakuna, kusina nihaiba takazo.

641 Mu bulelele kulube kuli ya “fosa, haica sileze,” muka kona? Mubone haiba ika mi utwa. Mu bulelele liñwalala kuli la “fosa, halica situpu se si shwile,” mi mubone se li ka mi bulelele. Haiba ne li ka bulelele neli kali, “Tokomela fela za musebezi wa hao.” Kiniti.

642 Oh, kono sishemo sa Mulimu se si cincize sibupheho se, ni ku nifa kolo ya kulakaza ni ku tokwa ni ku nyolelwa, “Lilato la hao ki lelinde kuna lifita bupilo, O Mulimu. Pilu yaka ika Ku shukelwa.”

643 Davida naize, “Sina tolo mo batela mezi a mwa lisa, ni moya waka unyolelwa Wena cwalo, O Mulimu.”

644 Mulimu ufile mutu linyolwa lani, la ku Mu lapela, ku lata, ku Mu bata. Kono mutu wa li lyanganisanga ka pizo ya diabulosi, mi uyo ba ni litakazo za basali ni minyaka ni lika za lifasi, inza lika ku kulisa pupo ye kenile yani yeo Mulimu abeile mwahali, ku Mu lata. U itoma fa lika za lifasi. Kono, muzwale, ha sa cincizwe hañwi, mi ni liweluwelu lani la mawiliwili ku lona, mifuta kaufela ya—ya kulyangana kwa lisima, ha se i yubilwe mwateni ni ku zuswa kwateni, mi ni Mezi a kenile a Mulimu abeiwa mwateni, sibi ha si koni ku li swala. Amen.

O mo Ni Mu latela! Mo Ni Mu kutekela!
Bupilo bwa ka, kupazima kwa lizazi laka,
waka mwa lika kaufela!

Mubupi yomutuna atoba Mupulusi wa ka,
Mi mutalelela wa Mulimu kaufela uina ku
Yena.

Kuzwa kwa kanya ya Hae, ki likande lelipila
 kamita,
 Mulimu wa ka ni Mupulusi ataha, mi Libizo la
 Hae neli Jesu.
 Apepwa mwa sicelo, ku ba Habo aba muenyi,
 Mulimu wa maswabi, mioko ni manyando.
 O mo Ni Mu latela! Mo Ni Mu kutekela!
 Bupilo bwa ka, kupazima kwa lizazi laka,
 waka mwa lika kaufela!

645 O Mulimu! Cwale Na li ezize cwani? Mutu ulikile ku li ñola.
 Yomuñwi naize:

Haiba luna ka enge yetala liwate,
 Mi simela kaufela fa lifasi kabe ki siñoliso;
 Mahalimu kaufela abe sina pampili,
 Mi mutu ni mutu kabe akaba muñoli ka
 musebezi wa hae,
 Hane luka ñola lilato la Mulimu mwa
 mbyumbyulu.

Kuli mane Mulimu yomutuna wa Lihalimu atoba nama ni
 kunga libi zaka!

Hane luka ñola lilato la Mulimu mwa
 mbyumbyulu
 Ne lu ka kalisa liwate kuomelela;
 Kamba nihaiba yona pampili neika tala,
 Ni ha ne i ka bapulwa kuzwa lihalimu leliñwi
 kuisa kwa lihalimu leliñwi.

646 Ni kueza bo muca lifa ba puluso ye kuba ni sepoy a luli,
 Akonka ka Yena anosi kuli Uka lu zusa ka lizazi la mafelelezo,
 alufe Bupilo Bobusafeli. “Mi hakuna mutu yakona ku ba zwise
 mwa lizoho la Ka.” Amen.

Halu lapeleni.

647 Kana una ni mulatu wa kuhana lilato la Hae? Kana u hanile
 Butu bwa Hae bo bunde, yena yomutuna Yo ya kuezize ka mo
 inezi? Mi cwale ki wena yo fa, kakusasana cwana, fa fose ufitile
 mwa bupilo, mi li kufa kolo. Kikuli utabela kuzwelapili kupila?
 Kuna ni fela nzila iliñwi ya kupila ka yona, yeo ki kulumela ku
 Mulena Jesu. Haiba wena, kuzwelela mwa pilu ya hao, ulumela
 kuli Ki Mwana Mulimu mi wa Mu amuhela kuba Mupulusi wa
 hao, mane u lumela kuli Mulimu u Mu zusize kwa bafu bakeñisa
 kuli ube ya lukile, haiba ubata ku amuhela zeo ka mayemo ao,
 ki za hao cwale.

648 Nanula lizoho la hao? Moyo o si ka baka, o tabela kubaka
 kakusasana cwana, uli, “Uni hupule, muzwale, mukutazi, ha lu
 ka kena mwa tapelo. Nina ni palezwi. Ni ikopanyize kwa keleke,
 kono Na—Na ziba Na—Na li kuba nibe ni so bulela fateni. Nali
 kuba ni pepwe ka Moya wo, Muzwale Branham. Fela ni—Na li

kuba ni be ni Ona, ku felile. Ni bata kuli u ni lapelele kwateni, kuli Mulimu anife Ona kakusasana cwana.” Mulimu aku fuyole, sha. Kana kuna ni yomuñwi hape? Yali, “Mulimu, ni eze Mo batela kuli ni be. Ni bata kuli Wena ube. . . Ni bata kuba Mo batela kuli ni be. Ni hanyelize lilato la Hao.” Mulimu aku fuyole, mwana.

649 Fa nako fela cwale.

Haiba luna ka enge yetala liwate,
 Mahalimu kaufela abe sina pampili;
 Mi simela kaufela fa lifasi kabe ki siñoliso,
 Mi mutu ni mutu kabe akaba muñoli ka
 musebezi wa hae;
 Hane luka ñola lilato la Mulimu mwa
 mbyumbyulu
 Ne lu ka kalisa liwate kuomelela;
 Kamba nihaiba yona pampili neika tala,
 Ni ha ne i ka bapulwa kuzwa lihalimu leliñwi
 kuisa kwa lihalimu leliñwi.

Oh, lilato la Mulimu, leli fumile mi leli kenile!
 Le li sina mafelelezo mi litiile!
 Li ka ina kamita,
 Ki pina ya ba bakenile ni Mangeloi.

650 Mulimu Yomunde, kaniti muloki yana ñozi manzwi ani na swana fela sina balumeli babañwi babañata ba Hao, baba sa bata, balika kufumana manzwi a ku toloka lika. Mi ku ñozwi mwa Bibeke kuli, “Sihulu, kakuli mukutazi neli ya talifile, a nahana fateni mi a libeye ka swanelo mwa manzwi amañata.” Oh, mo lu latela kuli lube ni lulimi ni mushobo o lukona kutoloka kwa sicaba seo luli si taluswa fa, kono halukoni kufumanwa mwa milomo ya batu. Kuyakuile kaufela, lwa kakanya haiba lakona ku patululwa, kuli mane Mulimu wa Lihalimu natezi mwa lifasi ku to pilisa babotana, baba latehile, baezalibi baba zielehezi mukwazo.

651 Na Ku lapela, Ndate, kuli mwahala manzwi a likani a lobakehile aa, kamba manzwi a lyangani kakusasana cwana, mo Ni kona kubulelela, kuli kuna ni ya fumani kozo ni kulikana kokutezi ni tuso yetiile, ya sabezi kwa maipato. Mi cwale moyo wa hae u swalelele kwa sepiso yani yana ikonkile Mulimu, kuli Uka ba zusa ka lizazi la mafelelezo. Mazoho amañata a nanuhezi mwahalimu, mwa muyaho, ona mwahala tabernakele ye. Mulimu, aku bafe sepo yetiile yani, ona fa cwale. Ha ba swalelele hande mwa Licwe la myaha myaha. Hakuna taba kamba liwate lika pikuluha cwani mane ni makwati ateni a kwankumuke kwateni, bana ni mayendameno ankora, sepiso ya Mulimu. Fateni foo baine bali, “Mulimu u Li bulezi. Hakoni ku puma.”

652 “Ya utwa Manzwi a Ka,” le Ni likile ku kutaza kakusasana cwana, “mi alumela ku Ya Ni lumile, Jehova, una ni Bupilo bo busafeli; mi haana kutaha kwa Katulo, kono u sa zwile mwa lifu ukeni mwa Bupilo.”

653 O Wena wa Kuyakuile, fuyola bani kacenu. Mi mutu kaufela mwahali mo yasiyo mwatasa Mali, moyo wa hae o si ka fetulwa kale, ha kube ona fa cwale, Mulena. U beleke ze patilwe. Kaufela bona ki ba Hao. Li beilwe ku Wena. Ni lapela U ba fe zona, ili Bupilo Bobusafeli. Hakube, zazi leliñwi, kwabuse bwa likamba, sina alimumu ka alimumu haluya mwa musindi, lute lu yo kopanela kwani ko ba sike ba bulela kuli “siyala foo” ha kusana.

Zazi leliñwi lu ka taha kwa nuka ka kukwala
kwa nako,

Foo mihupulo ya mafelelezo ya manyando hase
ifelile;

Kukaba mutu yaka libelela ku lu bonisa nzila,
Hanina kusina Jordani ni nosi.

Ku kaba Alimuñwi, kuna ni ya ka libelela ku
ni bonisa nzila,
Hanina kusila Jordani . . .

654 Kaufela babana ni sepo, mu nanule mazoho a mina cwale hamunze mu inula litho za mina.

Hanina ku . . .

Cwale ha mu Mu lumbeke fela. Liñusa li felile. Kana ha mu si ka tabela? Mulimu na konkile kuli Haana ku . . . Mulimu na konkile kuli Uka ku katana kwani.

Jesu u shwile kuli libi za ka kaufela liswalelwe;
Ha ni bona lififi Nita . . .

Mubulela sikamañi? Buhazo bu zwile.

U ka yo ni libelela,
Hanina kusila Jordani ni nosi.

Linako zeñwi Hani ketululiwa, na katala . . .

Hamu Mu lumbeke fela cwale.

Hakubonahala kuli balikani baka kaufela ba
ni siile;

Kana mukile mwa fita fa sibaka seo?

Kono kuna ni muhupulo ulimuñwi ni katulusa.

Sepiso neli ye cwani?

O katulusa pilu yaka,
Hanina kusila Jordani ni nosi . . .

655 Cwale, bana ba sepiso, ha mu Mu lapele fela ka kueza cwalo.

Hanina kusila Jordani ni nosi,
Jesu u shwile kuswalela libi zaka kaufela;

Ki sikamañi se si ezahala cwale?

Ha Ni bona lififi, Uka yo ni libelela,
Hanina kusila Jordani ni nosi.

“Ha Ni taha kwa nuka . . .” Mañi ni mañi wa mina musweli mwataha. Kuna ni muluti omutuna, o mi inzi kwapili. Ki sikwalo sesituna. Mu ka kena mwateni, leliñwi la mazazi aa, mwendi lizazi la kacenu lisika fela kale, mwendi keleke isika lukuluha kale kakusasana cwana. Mu ka yo kena mwateni. Nako kaufela pilu yani ha inata, mu sutelela bukaufi kwani ka muhato ulimuñwi.

Kono ha Ni bona lififi, Yena uka yo ni libelela
kwani,

U bulezi kuli Uka libelela. Na konkile kuli Uka libelela.

Konakuli Hanina kusila Jordani ni nosi.

⁶⁵⁶ O Mulena ya Fuyozwi, lipilu za luna litezi, kakusasana cwana, kuli mane za fufula.

⁶⁵⁷ Ka kunahana kuli pilu ituhele kunata, mi ni nasi u kubeya musamo kwa toho ya hao. Mi mazoho a hao, hausa kona ku shenya ni hanyinyani. Mazoho a hao sa fetuhile fela akangezi. Bana ba hao, bo maho, balatiwa ba hao ba silisa ni ku lila. Sikwalo sesituna sani sa kwaluha, sa mwabuse. Uka yo libelela.

⁶⁵⁸ Davida naize, “Haiba Ni eza bulobalo bwaka mwa lihele, Uka yo ba teni.” Hanina kusila ni nosi. Mezi a nuka hakala kuhasaka kwa lifateho za luna, Mulimu uka nga mukolo wa bupilo, alu zamaise lute lu yo silela mwabuse. U sepisize kuli Uka eza cwalo. Davida mupolofita naize, “Eehe, Ni ha ni Ni ka zamaya mwa musindi wa muluti wa lifu, Hanina kusaba bumawe. Wena ukaba ni na. Mulamu wa hao ni lusata lwa Hao, za ni bukeleza.”

⁶⁵⁹ Mulena, lu tabile hahulu kacenu, kuli ne lu blazwi kale kuba baci balifa kwa sepiiso. Kacenu luna ni mwahala luna Bupilo Bobusafeli, kakuli lu lata Mulena Jesu mi lu Mu lumezi, ni kuli lu amuhezi Linzwi la Hae ni tuto ya Hae. Mi U file ku luna, kuba sina liswayo la tumelo ya luna, ona Moya o Kenile, ili liswayo la Moya o Kenile. Tumelo ye mwahala luna isweli ka kutiya. Mi ni ha lu zamaya linako zeñata mwahala miluti ye nsu bwii, linako zeñata lwa sitatala mwa nzila, kono ni cwalo ankora ya luna isa sweli. Kuna ni sesiñwi mwahali a yona, kwabuse koo, se si bonahala ku etelela ka tundamo, kuli, “Zwelapili kuya. Kipeto lu ya lu zwelapili.”

⁶⁶⁰ Mulimu, lu fuyole. Lwa Ku tokwa. U lubeye baba sepahala kamita mi ba niti kufitela nako Yo ka lu tahela, luka Ku lumba mwahala myaha ye sa feli. Mi ka zazi lani ha luka yema mwa lifasi . . . Mahutu a hae amande ha si ka hata kale fa lifasi ka nako yeo. Ki yani U yemi mwani, mwa mbyumbyulu; mi ba bakenile ni baba liuluzwi babazwa mwa masika kaufela, mwa nako

ifi kaufela, yapili, yabubeli, yabulalu, yabune, yabuketalizoho, yabusilezi, ni yabusupa, kaufela baka yo yema kwani ba apezi kuluka kwa Hae; lu Mu apese mushukwe yena Mulena wa malena ni Nduna wa manduna, ni kuopela makande a kupiliswa ani. Lipilu za luna ze nyinyani li ka tulaka halu ka Mu talimela Yena ya lu latile mi aitoboha bakeñisa luna. Hane luli baba sa latiwi ni baezalibi, Kreste na shwile kuli lukone kupiliswa. Lwa itumela ku Wena ka seo, Ndate, ka Libizo la Kreste. Amen.

661 Mwa Mu lata kana? Oh, ka Mwa bezi wa luli. Kana ha mu ikutwi fela kuli mubata fela kuli kipeto fela mu Mu kambeke mazoho? Kana hamukoni fela kutabela ku hohoba ni ku swala mahutu a Hae, mwa ziba?

662 Mwa ziba, nekuna ni sicaba sene si tahanga kwa lisebelezo zaka kwa Phoenix, Arizona, bene bali, “Ni ka yo bata kuikambota ni Yena. Ni ka tabela kubulela kuli, ‘Mulena, No ni latile nzila yaka hane itimile kueza lififi.’” Ni ka bata fela ku yo ikambota fela ni Yena lu si ka silela kale mwabuse. Ni—Ni bata ku Mu bona. Ni—Ni—Ni bata fela ku Mu bona. Ku nahana mo Ni ka utwela, ka mo pilu yaka yenyinyani mo ika tulakela ha Ni Mu bona inza yemi faale.

663 Ni bile ni hakanyeha hañata, “Ni lakaza kuli kambe Ne ni ka utwa Linzwi lani libulela kuli, ‘Mu tahe ku Na, kaufela mina baba katezi ni baba imezwi ki mitiyo. Ni ka mifa pumulo.’”

664 Ni bona kuli hani si ka utwa kale sani sina Ha na si bulezi, kono Ni bata ku Mu utwa hali, “Le ki lizazi la mafelelezo. Ibile fela hande, mutanga ka yomunde mi ya sepahala, cwale kena mwa tabo ya Mulena ye lukiselizwe wena.” Kuzwa lili?

665 “Kuzwa ha u piliswa?” Batili muzwale.

666 “Kuzwa ha kutomiwa mutomo wa lifasi, ha Ni ku bona ni ku ku zibela cimo, na ku lukiseza kutaha kwa Bupilo Bobusafeli,” no fuyauzwi yona nako yaale. “Kaufela bao A zibile kale, Uba bizize.” Kana ku cwalo? [Kopano ili, “Amen.”—Mu.] “Kaufela bao A bizize, Uba ezize baba lukile. Bona Ba ezize baba lukile, U ba file kale kanya.” Ki fo he cwale. Na lu zibile kale, a lu biza, alu beya baba lukile, mi lu filwe kale kanya ni Yena, kwa mafelelezo a lifasi, luya kwa mupuzo wa luna. Kana ha mu si ka tabela? [“Amen.”] Luli, sikona ku mi eza kuli mu Mu late. Ha ne mupalezwi ku itusa ili mina, mi fa ki yo Ataha ku to mi ezeza zona.

667 *Ufuyolwe Muhala O Tama*, Kezeli Gertie. “Lipilu za luna mwa lilato ba Bukreste,” halunze luna ni kopano nyana ya milumbeko ye mwahali mo cwale, mi luka lapelela bakuli kasamulaho. Mulimu ami fuyole. Mina mu nanuzi mazoho a mina ku Kreste ka kusasana cwana, mu ipumanele sibaka sa kulapela, mu Mu sebeleze.

668 Cwale, halu Mu lumbekeni fela cwale, kakuba kopano, mina kaufela ba Methodist, ba church of God, ba Assemblies of God,

ba Presbyterian, ba Lutheran, ba Katolika. Kaufela mina cwale, ha lu opeleni cwale.

U fuyolwe muhala o tama
Lipilu za luna mwa lilato la Bukreste;
Ili kopano ya mihupulo yeswana
Ye swana ni yani yakwa Halimu.

Fapila lubona lwa Ndate,
Lu sulula tapelo yaluna ya ciseho;
Sabo ya luna, sepo yaluna, zelubata zaluna,
zaswana,
Buiketo bwa luna ni pabalelo ya luna.

Ha lu ta siyana,
Li lufa butuku kwa lipilu;
Kono niteni luka yo kopana . . .

Ki ba Methodist babakai, ba Baptist, ni babañwi kaufela?

Ni kusepa ku bonana hape.

⁶⁶⁹ Kana seo ha si mi tabisi? Halu fetuheni mi lu swalaneñi mwa mazoho cwale, halunze lu iopela hape.

Lusika . . .

Mu swalane mwa mazoho, ni yainzi kwa mulaho wa hao, kwa pata a hao, kwa matuko.

. . . lubona,
Lu sulula tapelo ya luna ya ciseho;
Buiketo bwa luna ni pabalelo ya luna.

Cwale halu ta siyana,

Lu ka yo latana.

Si lufa . . .

Ni lakaza kuli kambe sebelezo ika zwelapili? Mwabona? Cwalo kona mo lu nahanela.

. . . butuku kwa lipilu;
Kono niteñi lu ka yo kopana mwa lipilu (ku alimuñwi),
Ni kusepa ku bonana hape.

Haiba ha ki fa, ka Lizazi lelituna lani lu ka yo kopana.

⁶⁷⁰ Cwale, Ndate, amuhela milumbeko ya luna kakusasana cwana. Nga Linzwi mi u Li cale mwa pilu ya mulumeli. Basike ba zukuzeha fela kwa ni kwa, kacenu bainzi fahalimu mi kamuso bainzi fafasi, kono cwale Manzwi a afumane pumulo mwa pilu ya mulumeli kaufela. Ka kuziba cwana, kuli, “Mulimu u konkile ka luci, mi ki lika ze sa konahali ku cincywa. Ze sa cincy sa Mulimu, fo ki kuli, ha ku konahali kuli A bulele lishano, kuli baci ba sanda sa puluso ye babe ni sepo yetiile ye, ye tiile mi ye sepahala, ili ankora ya mwa moyo.” Ka kuziba cwana, kuli, “Mulimu u lu sepisize, ka buitamo bo bu konkilwe. Ki,

ya Sakoni ku bulela buhata; ki yomuñwi, Na ikonkile ka luci fahalimwa sani, kuli Uka lu zusa ka lizazi la mafelelezo ni ku lufa Bupilo Bobusafeli.” Ka kuziba, kuli, “Haluse lu bizizwe, kuli Na bulezi kuli Na lu zibile mutomo wa lifasi u si kabateni kale, ni ku lu keta añula kuba bana ka Jesu Kreste. Mi U luzibile kale. U lu bizize. Mi ha Na lu bizize, A lu eza baba lukile.” Halukoni ku ikeza baba lukile ka luna lunosi, kacwalo U lu ezize ba balukile ka lifu la Mwana Hae luli. “Bona bao A beile baba lukile, U ba file kale kanya.” Linzwi li bulezwi kale. Mi lu mwa nzila ya luna fela, lusweli kuya cwalo, lunyakalala mwa musipili wa luna kuya kwa Kanya.

671 Ufe sicaba tumelo, mi haili mikwa yenyinyani ni lika zeñwi ze hanelela sicaba, ikumuhe izwe ku bona, kakusasana cwana, ka lona Linzwi la Mulimu le yeli yona ankora ya moya, ye tiile mi ya niti. Haba sabe kwa mikwa ya bona, tucimacima twa bona to tunyinyani. Ni lika zebile teñi. . . Sina Paulusi hana bulezi, kwa mafelelezo a liñusa mwa mazazi a likani kuli, “Ha lu beyeni kwatuko buima kaufela, ni sibi se si lu hanelela fakaufi, kuli lukone kumata ka tibeledo takano ye beilwe fapila luna; lunze lu talimile ku mukalisi ni mufezi wa tumelo ya luna, Jesu Kreste, Yana likilwe mwa mikwa kaufela sina luna, kono niteni kusina kuezwa sibi.” Na lumelelizwe ku likiwa, kono Ha si ka tokomela za muliko. Mi lu likiwa kwa sibi, kono lusike lwa li tokomela. Kakuli Bupilo bobu ku luna kona ankora ya bukamusu bwa Kuyakuile, mi lu swala zeo ka tokomelo kwa lipilu za luna.

672 Cwale, kuna ni babañata ba Satani a nyandisa ka manyando. Lu bata ku ba lapelela, Ndate. Mi cwale, habanze ba shela mwatasa Linzwi la Mulimu kacenu. . . Linzwi lelinde lani le li kutalizwe, Bibeke ifa bupaki bo bucwalo, Mangeloi a Mulimu inza yemi bukaufi, ni Moya o Kenile omutuna, fahalimwa lika kaufela, uyemi fa kufa bupaki kwa Linzwi. Cwale, Ndate, habanze ba fita mwatasa Linzwi la sepiso, kakusasana cwana, ha ba zwe mwahali mo inge baiketile. Kuli ba yumbe milamu ya bona, kuli basiye lipula za bona ni—ni tumbeta to ba lobezi ku yona, ni kuba fela baba folile. Lumeleza cwalo, Mulena. Ha ba yo kuta kwa sebelezo yetatama ha ba ka lumelezwa kutaha, kamba kwa likeleke za bona, banze ba nyakalala, kubonisa lika zetuna za na shwezi Kreste. Lika ze lu li bulela kwa kanya ya hao, ka Libizo la Jesu. Amen.

673 Ni lukela ku kupa swalelo kwa sepiso ye Ni ezize, kuli kakusasana wo lu kaba ni kauhanyo ya 7, kono ha Ni si ka fita kuyona. Mi luna ni ku lumeleza nako nyana fa ku—ku se, kwa mukoloko wa tapelo. Mi cwale, busihu boo, haiba Mulena alata, luka nga kauhanyo ya 7, ni kufumana kuli Melekisedeke Yo ki nali mañi. Ki babakai baba tabela ku ziba? Oh, lu ya fela kuliba ku Yena, lu fumane kuli Nali Yena mañi. Mi Mañolo abulela Yo Ali yena. Mwabona?

674 Mi Scofield u bulezi kuli “neli buprisita.” Ikona kuba buprisita, asina makelelo kamba mafelelezo? Mwa bona, ne si buprisita. Ne li Mutu, Melekisedeke (neli Libizo), nali Mutu.

675 Sina, ha ki kusa kuteka, kono Sayansi ya Bukreste ibulela kuli ki Moya o Kenile ki “muhupulo omunde.” Mi Bibebe ibulezi kuli, “Yena, ki Moya o Kenile.” Mi *Yena* ki tulokandina twa butu. Ki Mutu; ha ki muhupulo. Ki Mutu. Kiniti.

676 Mi Melekisedeke ki Mutu, nali Mutu Ya sina makalelo a mazazi kamba mafelelezo a myaha. Na sina ndatahe kamba mahe, kamba lusika. Mi lu ka fumana Yo ali Yena, haiba Mulena wa lata, busihu boo, ka Linzwi. Kana mwa lata Cwalo? [Kopano ili, “Amen.”—Mu.] Oh! “Linzwi la Hao ki liseli la kwa mahutu aka.” Oh!

677 Cwale, mu li, “Muzwale Branham, Ha ni Li utwisisi ni hanyinyani.” Nina ha Ni li utwi.

678 Kono, nako yeñwi, Ne ni sweli kukutaza mwa Kentucky. Ni ku babanca babañwi, ni ba Katolika ni babañwi baba shutana, babasike ku utwisisa lika zetungile ze, zona fumile za Mañolo. Ne ni sweli kukutaza ka za foliso ya Bumulimu. Musizana nyana yanali fela mahutu hutu atisa. . . Ne li wa myaha ye lishumi ni zeketalizoho za kupepwa, nana ni mbututu yomunyinyani, mi nana ni luñañali. Se nili, “Ki butata mañi, kezeli, bobuli ni mbututu wa hao?”

679 Bali, “Ina ni za kunjanja.” Na sa zibi za kubulela, ki luñañali. Na sa zibi mwa ku li bizeza.

680 Mwana yomunyinyani yani nasina makatulo kwa mahutu fateni, mwa bupilo bwa hae. Ki mulatiwa wa muuna yomuñwi, milili yemitelele inge ilepelela fafasi. Se nili, “Kana wa lumela?”

681 Mi meeto alikani ani, a mubala wa buseta inza ni talimezi. Ki hali, “Eehe, sha. Na lumela luli.”

682 Na nanula mbututu yani. Mi hane Ni sweli ku mu lapelela, atuhela ku njanja. Uh-huh. Mi za zwa, za zwa.

683 Mi habusa, Ne ni sweli kuzuma tumale, kwa matuko a lilundu. Na utwa mutu yomuñwi yana ambola, inge asweli kubulela katata. Mi Na yo shetumukela kwateni. Ne ni sweli kuzuma tumale. Ne ba sweli kuambola za ka, inge ni inzi fani, inza sweli kumumuna kwai ya kusila ni kukwa mati. Matali inge asweli kufefauka, ona cwalo. Mi ne basweli kubulela ka zona, cwale, za mukopano wa busihu bo ne buzwile fateni. Alimuñwi wa bona ali, “Ne ni boni mbututu yani. Ni ile kwateni, kakusasana cwana. Ha sa njanja, kakusasana kacenu.” Mwabona? Bali, “Yani neli niti.” Mi inga sweli kukwa fela mati.

684 Mi nebana ni litobolo ze ne yendekilwe kwa kota, kacwalo Na hupula kuli kihande Ni itibahaze. Mwa ziba, bana ni ku kananisana kwani, nibona. Kacwalo, Na ya kwateni. Se nili, “Ki kakusasana, mizwale.”

685 Yena mutu yomukima yani, yana bonahala kuli ki yena yana bulela, nana ni kwai ya sunko mwa mulomo wa hae, ona *cwalo*, kwatuko a mulomo sina *cwalo*, ni mulala, o mutelele. Mi na tinile kuwani yetuna, ye hohezwi mwatasi a sifateho sa hae. Atalima kafa ni kafa mi a ni bona. A nanula lizoho ni ku ikasheza, mwa halimu cwalo, aisa . . . [Muzwale Branham wa miza—Mu.] Amiza kwai yani, ali, “Ki kakusasana, mubuleli.” Mwabona? Eeni, sha. Likute. Mi cwalo ki swanelo. Kwa mwa na pilelal inza eza cwalo, Ha ni zibi, kono na ipilela.

686 Kacwalo, busihu bo butatama, hane ni kuta, nekuna ni muuna fani yana bata ku kanana ni na fa nyako nyana. Na kena keleke yene sa lumeli mwa foliso ya Bumulumu. Kacwalo, ye neli keleke ya Methodist, White Hill, Kentucky. Kacwalo a—a ya kwa . . . Na yemi fande. Nana ni lumonyi mwa lizoho la hae. Mi ki hali, “Ni bata kubulela nto yeñwi, mukutazi. Hani koni fela kuamuhela Seo, kakuli Ha ni Si boni.”

687 Se nili, “Ha u Li boni?”

688 Ki hali, “Batili.” Ali, “Ni mutu ya kula, na kasibili. Kono,” ali, “Ha ni Li boni fela.”

Se nili, “U pila kai?”

Ki hali, “Kwa mulaho wa Lilundu Lelituna.”

Se nili, “Kihande, uka fita cwani kwa ndu?”

Ki hali, “Kihande, Ni ka zamaya fa kuya kwateni.”

Se nili, “Wabona ndu ya hao nji?”

Ki hali, “Batili, sha.”

Se nili, “Kuna ni lififi hahulu busihu boo, kuna ni malu.”

Ki hali, “Eehe.”

Se nili, “U ya cwani kwa ndu?”

Ki hali, “Ka lumonyi loo.”

Se nili, “Lumonyi ha lu bonisi liseli mwa nzila kaufela ku yo fita kwandu.” Se nili, “U ka zamaya cwani?”

Ki hali, “Oh, Ni zamaya ka lumonyi lo.”

689 Se nili, “Ki cona. Una ni liseli le li monyeha cwale, mi nako kaufela ha u hata *cwana*, liseli lika bonisa linze li monyeha kwapili a hao. Haiba uka zwelapili fela ku zamaya, liseli li ka zwelapili kuzamaya ni wena.”

690 Mi mueze cwalo kakusasana cwana, mubate Kreste, Muprisita Yomutuna ya pahami, yena Muyemeli wa makulano a mina, kamba matuku a mina, kamba moyo wa mina. Hakulata ha mu Li utwisisi. Ha lu li utwisisi. Kono lu laelwa ku “Zamaya mwa Liseli sina Yena hali mwa Liseli.” Mu hata muhato ulimuñwi mwa Liseli. Mi ha mu na ni Liseli hamoho ni mina, Lizazi li ka monyeha kuisa kwa lizazi le li petehile. Li ka buluka nzila hande fapila mina.

Mi luka zamaya mwa nzila yende yepahami ye,
 Ni bulele kaufela ko Ni ya,
 Ni tabela fela kuba Mukreste wa mufuta wa
 kale, Mulena,
 Kufita kaufela ze Ni ziba.

Kuna ni yakile autwa fateni pina ya kale yeo?

Hakuna nto yeswana sina Mukreste wa mufuta
 wa kale,
 kuli abonise lilato la Bukreste;
 Lusweli kuzamaya mwa nzila yende ya ye
 pahami,
 Mi lu kandeki kaufela ko luya,
 Ni tabela fela kuba Mukreste wa mufuta wa
 kale, Mulena,
 Kufita kaufela ze Ni ziba.

⁶⁹¹ Na lata fela cwalo. Ku lukile. Cwale lu ka lapelela bakuli. Ha lu. . . Ha lu buleli kuli lwakona kufolisa bakuli. Haiba lukona kufolisa, fo he kipeto lubulela mafosisa. Mutu kaufela ya kula mwahali mo ufolisizwe kale. Kona sa bulezi Mañolo. “Ka miupa ya Hae ne lu folisizwe.” Kana ki niti yeo? [Kopano ili, “Amen.”—Mu.]

⁶⁹² Muezalibi kaufela yaliteni mwahali mo, haiba kuna ni alimuñwi, u pilisizwe kale ka nako yana shwile Jesu. Kono usike wa shwela fa fo ku tomilwe kolo ya hao fapila hao, ku kena fapila Kubateni kwa Hae kuli ulike ku Li amuhela. Li lukisizwe kale cwale. Ona fa cwale u lukela ku Li amuhela. Haiba u ya kwabuse bwa Mali, konakuli ha u sesiñwi kwanda kuli. . . U atuzwi kale, kakuli u atuzwi ka mukwa o talimela fa Swalelo ya Mulena Jesu Krete. Mwabona? U. . . i katuzi kale ili wena ona foo.

⁶⁹³ “Kacwalo Na holofalezi bumaswe bwa luna, mi ka miupa ya Hae lu folisizwe.” Kacwalo, hakuna se Ni kona kuba ni sona, kuli ni mi folise. Hakuna se ikona kuba ni sona kekeke, sa ku mi folisa ka sona. Nto inosi fela ye lukona kueza ki ku lapelela, kuli tumelo ya mina isike ya fukuzeha, kuli mutahe kwa aletare ye kakusasana cwana ku to amuhela Krete kuba Mufolisi wa mina, sina mo mu ezelize ku Mupulusi wa mina. Mi kusina nihaiba. . . Mulimu ubeleka limakazo. U bonisa sisupo se situna. Bubofu, bumumu, bushushu, lika kaufela, mu folisizwe mo mwa tabernakele. Kono haiba ku cwalo kamba nee, lwa Li amuhela, nihakuli cwalo. Linako zeñata lika zeo litahanga ka lipono.

⁶⁹⁴ Ki babakai bene bali mo mwendi seli Lisunda zetalu kwa mulaho, kamba zene, fani mutu ha na tile kwanu, inge ali sibofu ni luñañali, kamba kuina mwa sipula ana ni musinga o shwile? Mi Ni si ka zwa kale kwa lapa, Na mu bona mwa pono, “Kuli kukaba muuna ya cwalo mo, wa milili yeminsu, ye fetuha limbi. Musala hae ki musali ya bonahala hande yomunde, mwendi wa

myaha ye mashumi asilezi a kupepwa. Uka taha inza lila,” mi uka ni kupa kuli. “Ni ku yo lapelela muuna hae.” Na inezi ona fani.

695 Mi Na ya kwateni. Ne ni ambola ni mizwale yeñwi kwanu, “Mutalimele se.”

696 Mi hane luile kwa katala, babañwi ne ba lapezi. Ha Ni kena ku yo lapela, Na ya kwani kapili ni ku to kuta kwanu. Mi musala hae a yema ni kutaha ona cwalo fela mwa na bulelezi Mulena kuli kona mo ku ka bela. Sicaba inge si talimela, kubona haiba ne lika ezahala ka ona nzila yani. Ne li si ka palelwa. Mi kacwalo ha na zamaile. . .

697 Na to fumana cwana, kuli muuna yani, Dr. Ackerman, kwani kwa Birdseye, Indiana, nekuna ni yana mu lumezi kwanu; yali wa Katolika, mi mwana hae wa mushimani ki muprisita mwa sikolo sa bukutazi kwa Saint Meinrad. Mi Dr. Ackerman ki mulikana ka wa muzumi, mi a luma muuna yani kwanu. Mi Mulena ani bonisa muuna wa milili yeminsu yana ka mu luma, kono Ne ni sa zibi kuli ki mañi.

698 Se nili, “Kana yani neli Dr. Ackerman nji?”

699 Ki hali, “Neli yena.” Mwabona? Mi kipeto muuna yani. . .

700 Se nili, “Kakuli KISONA SA BULELA MULENA.” Azamaya cwalo. Se nili, “Shangwe, amu yeme.” Zepeli za bubofu mi na palelwa. . .ki. . .Mu—mu musinga wa kukona kuzamaya ne u timile. Na palelwa ku itiisa. Mwabona? Nekubile cwalo hala lilimo, ni bile ku ba Mayos ni libaka zeñwi kaufela. Mi se ni mu lapelela fela tapelo, ni ku mu nanula. Ki yani azamaya aikela, inza zamaya ona cwalo.

701 Pili a bulela kuli, “Ha ni ku boni.” Mi ki ha huwa ali, “Eeni. Na bona.” Meeto a hae a kwaluha ona fani. Yena neli wa orthodox, musala hae neli wa Presbyterian.

702 Batu babañwi ba nahana kuli ba “Presbyterian haba huwangi, ni ba Orthodox.” Mu lukela kuba utwa. Luli. Ne basweli kuhuwa ni ni ku kumbatelana. Akuta anga sipula sa hae sa wiucheya, mi aya inza shetumuka fa mahatelo, kuswana fela sina mutu kaufela, nakona kubona ni kubulela ni—ni zeñwi cwalo.

703 Ne ni amuhezi liñolo ku yena, kamba na lilize, zazi leiñwi. Na lumela, Muzwale Cox nailo mu katanyeza. Ali, “Meeto a hae nana ni butuku bwa kuyuwa.” Kiniti. Ki musinga, misinga ya mata a kubonisa ya hula ni kutela hape kwa bupilo, mwa ziba, ni kunga sibaka sa yona. Sikuto ne si zusizwe fateni.

704 Haiba muka lumeleza za taho kuba ka nzila yateni, haiba hakuna ze tibela za taho, konakuil lika—lika zamaya hande ka swanelo. Haiba muna ni lisila lelitamilwe kwa lizoho la mina, kutibela kufita kwa mali, lizoho la mina lika shwa. Cwale, kakuli, za taho, ku kaba hande haiba mu li tuhela fela linosi ona cwalo. Kono sesiñwi si lyanganisize za taho. Mi, haiba ha mu

liboni, hakuna mukwa wa kuli dokota a li bone. Kwanda lika zepeli fela zeo akona kubeleka ka zona: sa kona kubona, sakona ku utwa ka kuswala. Yani kona taba fela yakona kubeleka ka yona: sa bona ni sa utwa ka kuswala.

⁷⁰⁵ Haiba ha li boni, kona kuli ulukela kuba wa moya. Kona kuli kuna ni, fela nto iliñwi, yekona kuezahala; lu lapele, Kreste ki yena ya takula sikuto, aluma diabulosi kusili, mi sani si kalisa kuba ka swanelo, kihande. Uba hande, mi ona zeo ki zona fela zeliteni ku zona. “Ka libizo laka ba ka leleka mioya ye lunya.” Kana ki niti yeo? Ki sepiso kwa keleke. Ki sepiso ya mata. A sikamañi? Ki, ki Kubatani kwa Hae hali luna. Cwale, ze si lu eza ka kusa petahala kakusasana cwana, ka kueza lika zani sina mwa Na li ezelize, ki kuli lu sa li mwa lisila. Mwabona? Kono luna ni maikuto amañwi mwahali a lu bulelela kuli, “Oh, eeni.” Mwabona?

⁷⁰⁶ Mi ha u amuhela foliso ya hao, hakuna taba kamba lisila ibulela sikamañi, ki seo Linzwi li bulezi. Mwabona? Kona cwalo. Kona cwalo. Mi haili—haili—haili Linzwi lona lina ni puso fahalimwa sika kaufela. Linzwi la Kuyakuile la Mulimu!

⁷⁰⁷ Mutalime Sarah, mba ya hae ne ishwire, myaha ye nanite ya kupepwa, na pila ni muuna hae kuzwa ka lilimo ze lishumi ni ze silezi za kupepwa kamba lishumi ni zesupa, kusina mwana; Abrahamama, ana ni ze mwanda. Mulimu a fetuha ni kubafa mbututu. Mwabona? Kakuli, ne ba lumela. Ba biza lika ze ne siyo, inge kuli liteni. Kena mwa nzila yeo kakusasana cwana, mulikani.

⁷⁰⁸ Mi busihu boo, lwa kulubela. . . Haiba kaufela mina mwa lupotela, lutabile fa kuba ni mina mo kakusasana cwana. Mi Mulimu abe ni mina. Mi haiba muteni mwa muleneñi manzibwana, lu kaba ba batabile kuba ni mina manzibwana aa ni sebelezo yeñwi yeka tatama, ya Melekisedeke. Mi cwale haiba ha mutahi, mi muna ni keleke ya mina, muye kwa likeleke za henu. Sani ki—sani ki sibaka sa musebezi wa mina. Haiba mu ba siemba sa keleke, muye kulo koo. Ye ki tabernakele yenyinyani fela mo lu kopanela teñi ni kuba ni kopano ni mañi ni mañi. Cwale, Mulena ami fuyole.

⁷⁰⁹ Mi Kezeli Gertie uka lu lizeza kwateni, *Ñaka Yomutuna Cwale Ufa Kaufi*. Mi kana kuna ni yomukana mwahali mo ya bata kulapelelwa? Mu nanule mazoho a mina, mina mubata kutaha mwa mukoloko wa litapelo, mubeye tumelo ya mina ku Kreste. Ku lukile. Muyeme ka kutatamana neku la keleke *le*, haiba mulata. Mi haiba ba ka hohela sipula fafasi hanyinyani fela, muzwale, haiba muka eza, ili kuli lube ni sibaka nyana mwahali mo mi lutise balikani baluna mwateni. Mutahe kwa neku *le*.

⁷¹⁰ Mi luka lapela cwale, halunze lu opela. Cwale Ni ka kupa babahulu fa, ba kopano ifi kaufela kamba keleke, kamba ki

yecwani kaufela, haiba mulumela mwa foliso ya Bumulumu, ha muyeme hamoho ni na fa katala fa, lu to lapelela bakuli? Lu ka ba ba ba tabile kuba ni mina. Kopano ifi kaufela, kamba hakuna kopano, kamba semuli sona kaufela, lukaba baba tabile kuba ni mina. Kikuli mwataha cwale, kwa tapelo? Amutahe mu to yema ni na.

Muzwale Neville, haiba ukona taha ni oli.



MAHEBERU, KAUHANYO YABUSILEZI ³ LOZ57-0915M
(Hebrews, Chapter Six ³)

MUKOLOKO WAZA BUKA YA MAHEBERU

Liñusa le ka Muzwale William Marrion Branham ne li kotalizwe lwa pili mwa Sikuwa la Sunda kakusasana, Muimunene 15, 1957, ili fa Branham Tabernacle, mwa Jeffersonville, Indiana, U.S.A., liingilwe kuzwa fa tepu ya magesi ya manzwi kusina ku zusa sika mwateni ku ya Sikuwa. Toloko ye ya mwa Silozi i hatizwe ni kuhasanyiwa ki ba Voice Of God Recordings.

LOZI

©2019 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Zibiso ya bahatisi

Litukelo kaufela li bulukilwe. Buka ye yakona kupulintwa fa pulinta ya mwa ndu kuli iitususwe ki mutu kamba kuli ifiwe ku yomnwi, mahala feela, kakuba siitusiso sa ku hasanya Evangeli ya Jesu Kreste. Buka ye hailekisiwi, kuatiswa mwa buńata, ku nepelwa fa moya wa webusaiti, ku bulukwa mwa mukwa wo bunolo, ku tolokwa mwa mishobo isili, kamba ku itusiswa kwa kukupa masheleni ku sina tumelelano niba Voice Of God Recordings®.

Ka litaba zeńata kamba ka libuka zeńwi ze liteni, shangwe muńolele kwa:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org